

الغزلان



هذه النسخة حصرياً

لمنتديات المكتبة العربية

[Http://www.TipsClub.net](http://www.TipsClub.net)

مصطفى محمود

الغزوات

اشخاص المسرحية

الحاجة زنوبة	: عجوز حول الثمانين
الحاجة هنومة	: اختها
مراد الشوريجي	: ابن زنوبة .. محام وصاحب أطيان
دكتور أحمد الشوريجي	: ابنها الثاني .. طبيب
نفيسة	: بنتها العانس
جيجي	: بنت مراد .. وحفيدة الحاجة زنوبة
شقيق	: زوج جيجي
ممدوح	:
المهام	: أبناء جيجي
عادل	:
الأستاذ لاشين	: المخرج
الأستاذ السبكي	: المنتج
خادمة	:
فرقة الانقاذ	:
أطفال بلا أسماء	:

الفصل الأول

غرفة جلوس مؤنثة على الطريقة القديية .. نجفة موديل قديم
مدلاة من السقف .. أسفغال كائشاه معلقة على الحسانط .. ستارة
مشغولة .. آية قرآنية فى بربواز .. صورة للمرحوم الحاج
الشورببى .. كراسى عربية .. مبخرة يخرج منها دخان البخور
وخادمة تضع البخور .

الحاجة زنوبة تجلس على سجادة صلاة تختم صلاتها بموشح
طويل وإبتهالات ودعوات لأقاربها الأحياء والأموات .

والحاجة زنوبة حيزبون سنها جاوز الثمانين .. ما زالت محتفظة
بصحتها .. وما زالت تقطع الطريق من بيتها الى المقام الزينى
الظاهر ماشية على قدميها وتصحو من الفجر لتصلى الفرض
بفرضه .

وحينما تزاح الستار تكون الحاجة مشغولة بمسبحتها تغمغم
بصوت أجنس مرتفع:

- لا إله إلا الله والحمد لله ولا حول ولا قوة إلا بالله الأمر لله
والملك لله .. يارب اجعل لي في كل خطوة سلامة واسترها
على في الدنيا وفي الآخرة واسترها على أولادى وأولاد
أولادى واقبل صلاتى واجعلها رحمة على أمواتى وأموات
أمة المسلمين أجمعين .. الفاتحة لروح أبويما في تربته ..
بسم الله الرحمن الرحيم الحمد لله رب العالمين الرحمن الرحيم
مالك يوم الدين إياك نعبد وإياك نستعين (تخرج فجأة من
الفاطحة وتخطب الحادمة بفضب):

- بنت يا سكينه .. فين الواد الكلب ..؟ ماجشاش لفساية
دلوقت؟؟؟

- كلب مين يا سقى بعد الشر ..

- سيدك مراد .. مش قال النهاردة معاده حاجيجمع إيجارات
الأرض ويجيبها ..

- ما هو جه ياستى .

- جه ..؟؟ إزاي .. جه فين وامتى .. وما جشاش ليه
عتدى .. إجرى انديه

تخرج الحادمة وتعود العجوز الى تسيبها

- يارب اجعل لي في كل خطوة سلامة واسترها على في
الدنيا وفي الآخرة واسترها على أولادى وأولاد ولادى
واقبل صلاتى واجعلها رحمة على أمواتى وأموات أمة
المسلمين أجمعين .. الفاتحة لروح أبويما في تربته ...

يدخل الواد الكلب وهو مراد الشورجى راجل في

الخمسين يبدو عليه الوقار

- انت فين يا وله (تمد يدها ليطلع عليها قبلة الطاعة) ..

غطسان فين .. قبضت فلوس العزبة وعاوز تضرب عليها

عواى ..؟؟

- وده معقول يامه ..؟

- فين الفلوس .. إيدك

يضع يده في جيبه ويخرج حزمة من البنكوت

- أدى ٢٠٠ جنيه

تأخذ البنكوت وهي تملق في وجهه

- والباقي؟؟

- باقى إيه يامه؟؟؟؟

- يا راجل خلى في عينك حصوة ملح .. ميتين جنيه من

ستين فدان .. يعنى إيه .. يعنى واحد في الفدان ثلاثة

جنيه إيجار (تضع النقود في عبها)

- الفلاحين ما بيدفصوش يامه .. الدودة كلت القطن ..

والنيل غرق الذرة .. حايدفصوا منين ..؟

- يدفصوا زى ما بيدفصوا كل سنة .. وزى ما كان أبوك

الحاج الشورجى بيدفصهم

- دلوقت ما تقدرش نضغظ ع الفلاحين زى زمان .. دلوقت

أيام .. وزمان أيام يا حاجة

- أمال إذا ما كنتش بحامى أبو كاتو وراجل قانون تعرف

القانون وحكم القانون ..

حاناخذ حقنا منهم ازاي.. حانحجز على إيه..
المحصلول...؟؟؟؟ مفيش محصلول.. مفيش في الأرض
لوزة قطن توحده الله

- أبوه خش عليه يشغل اللارنجه خش.. عاوزنى أصدق إن
مراد بن الشوريجي يرحم فلاح ويعزده في قرش.. مراد
اللى واكل لحمي بالحيا.. أنا اللي اسمي أمه.. مراد اللي
ماصص دم البلد بالطاحونة اللي عاملها ع الجسر بيطحن
بيسا فلوس.. وبياور الميه اللي بيسقى بيه الغيطان
بالقطارة.. ومكنة الخليج اللي مداين بها كل كبير وصغير
ومدورها على أرزاقنا.. هو ده مراد اللي بيعيط ع
الفلاحين وع اللي جرى للفلاحين.. وعاوزنى أصدق
كلامك.. تكوتشى فاكرنى دقة عصفورة؟

تقاطعه بشدة وبصوت أجش صارم :

- الفلوس يا مراد.. مش عايضة كتر كلام.. تطلع تنزل
تجيبهم من تحت الأرض.. أخر ميعاد لك بكره.. فاهم..
إمشي انجر قدامي

تعطيه يدها ليقبلها قبلة الطاعة فيطبع عليها القبلة في غيظ.. ويخرج
تعود الحاجة إلى مسيحتها وتنادى على الحادمة

- سكينه.. سكينه.. بت يا سكينه

- أيوه ياست

- اندهي لستك هاتم (محادنة نفسها وهي تلوح بيدها في حزن)
هاتم اختي فين.. ما عاdash لى في الدنيا غيرها.. هي اللي
قلبها عليه.. وروحها فيه.. كلهم عاوزين ياكلوني

- إنتي شفتي الفلاحين يا حاجة..؟

- حد الله ما بيني وما بينهم.. أتوفهم أعمل بيهم إيه..

- لو كنتي شفتيهم كنتي عذرتيهم زوى

- بين بالله يا مراد يابن الشوريجي انك متساوى مع
الفلاحين بتوعك دول.. واتو الاتنين واكلين فلوسى
ومتقاسمين حتى.. بق بدمتكم الميتين جنبه دول هم كل
اللى قبضته من إيجار الأرض؟

يذهب إلى أمه ويقبل يدها باحترام

- عيب يامه أكل حقلك.. ده أنا من لحمك ومن دمك.

- ومال عينيك فيها لوم كده.. يا خسيس.. أنا عارفه..

كلكم مستنئين موتى النهاردة قبل بكره.. لكن لسه

بدرى.. لسه بدرى يا ولاد الشوريجي.

- ربنا يديكى العمر يا حاجة ومخليكى.. يا رب اللي يتنى

موتك يجيله عزرائيل.. هو احنا من غيرك نعرف

نعيش.. ده انتي خيرنا وبركتنا.. وحيويتنا (يشكها)

ومامتنا.. ودادتنا.. وتينتنا..

- وإيه كيان.. وإيه كيان يابن الشوريجي.. انت ناوى

تديني باقى الحساب كلام

- (محادنة نفسه على جانب من المسرح).. دا مفيش فائدة..

حا اعمل إيه في الولاية الباشمخضر دى..

- (مادة يدها) باقى الإيجار يا مراد يا شوريجي

- يامه الفلاحين السنة دى ع الحديدية.. والضرب في الميت

حرام.. الفلاحين لو دجنناهم مش حانطلع منهم ملهم..

بالحيا .. كلهم طمعائين فيه .. مفيش غير هاتم هي اللي
بتعطف عليه .. هي اللي بلاقيها جنبي في الحلوة والمرّة
(تنادى) .. يا هاتم .. يا هاتم .. يا هنومة .. هنومة ..
تدخل هنومه .. وهي كركوبه مثلها .. سنبا هي الأخرى حول
التانين .. عجوز .. كحكوحه .. وشعرها مصبوغ بالحناء وعليه منديل
أويه .. ومشيها بطيئة متفانة ..

- هنومة .. انت فين ياختي بدور عليكى .. تعالى (تجلس
هنومة الى جوارها على السجادة) .. ما بقاليش حد في
الدنيا غيرك .. الطمع ما خلاش في الدنيا خير .. شايقه
الواد الكلب عمل إيه .. خد إيجار الأرض حطه في
جيبه .. وقال إيه .. الفلاحين غلاية مش لاقين
ياكلوا .. حايدفموا متين .. قلبه على الفلاحين ..
المجرم .. قتال القتل ..

- كلهم كده ياختي .. ماشفتيش توفيق عامل في إيه .. أهو
واخد أرضى ببأجرها ومش طابيلة منه أبيض ولا أسود ..
وفلوس باخدها منه شقارة ونقارة (تلوح بيديها في
استسلام) لنا رب اسمه كريم

- ربنا يحب الحق يا هنومه
- أهل الباطل ما خلوش لأهل الحق حاجة
- يا ويلهم من ربنا .. يا ويلهم ..
- الحمد لله عشنا طول عمرنا بالحق .. ربنا يهيينا على الإيمان
ويعيتنا على الإيمان
- نفس أجمع السنة دى يا هنومه

- وتكون سوا والنبي .. وتشاهد الحبيب سوا وتحط إيدنا
على شباكه .. يا حبيبي يا رسول الله (تحبط على كتفها في
تودد) ياختي مين قدك .. حجيبي سبع حجات وطفنى السبع
طوفات .. وطلعتى عرفات سبع طلعات .. مين قدك
يا زنوبه ياختي .. ياما نفسى أكمل حجاتى سبعة زيك ..
ده انت مغفور لك في الدنيا وفي الآخرة

- نفسى أكلمهم ثمانية ياهاتم عشان يبقى لى قصر في الجنة ..
الشيخ مسعود بيقول اللي يحج ثمان حجات يتكتب له
قصر في الجنة .. في الروضة القدسية جنب الحبيب .

- يا سلام .. ربنا يوعدنا

- (تشاور بيديها) اوعدنى يارب اوعدنى

تدخل سكينه الخادمة .. تقف لحظة جوار الباب .. ثم تقول في تردد :

- ستى

- فيه إيه ..

تقرب من زنوبه ثم تقول في صوت خافت :

- خاله بهانه واقف ع الباب بتعيط

- يا عيني ياختي على بهانه واللى جراها .. إنها مات في شبابه
يا حصرتى عليها (تنهه بدون دموع وتمسح بعينها بتديل
وتنهه معها هنومه .. وينخرط الانتان في النهبة) إنحطفت
منها يا ضسنايا .. يا عيني يابنى .. يا حرقه قلبي عليه ..
(نهبة)

الخادم تقاطعها :

- خاله بهانه بتقول :

- يا عيني يا ختي على بهانه والى جرالها (نهبة)

- خاله بهانه بتقول :

- كان مستخيلك ده كله فبن يا بهانة .. يا ميلة

بجتك يا بهانة

- خاله بهانه بتقول الحنة الأسورة اللى عندها مرهوتة ..

ومفیش عندها ولا مليم فى البيت وبدها تسألک فى جتیه

سلف تشتري بيه دره للعيال

تفیق زنوبه فجأة من النهبة وتتحول لهجتها إلى لهجة خشنة جافية .

- جتیه ..؟؟!! وما فهمتاش ليه يا سكينه .؟؟ وأنا

حاجيب لها الجنيه متين .. وأنا قاعدة لها على كتر .. وأنا

بازرع والا باقلع .. مش لها راجل بيجرى عليها

- بتقول حا تاخد الجنيه سلف . وحاترده على أول البرسيم

- السلف تلف والرذ خسارة .. وهى لاقية تاكل عشان ترد

الى عليها

- زكا عنك ياسسى .. كأنك طلعتيه شه .. دى غلبانة

ولا لهاش حد

- طلعت روحك من جتتك .. إمشى انجرى بره انتو مفیش

حواليكو إلا النشحاتة .. انتو مفیش وراكو إلا حلب

الفلوس .. الفلوس .. الفلوس .. ما حدش يجش لى

إلا عشان ييجر فلوس إمشى انخنى من قدامى ..

إوعى تورينى خلقتك تانى

تخرج الحادام .. وتعدو زنوبه تنشلل بيديها

- كلهم طمعانين فيه .. كلهم عايشين معايا على طمعة ..

أدى انت شايقة مفیش حد يبحن عليه .. مفیش حد

بيعطف عليه .. مفیش حد يقولى يا زنوبه مالك ..

يا زنوبه عاوزه إيه .. نفسك فى إيه .. (نهبة)

ماعتدهش إلا يازنوبه هاتى .. يا زنوبه أدفعسى ..

يا زنوبه سلفينى .. يا زنوبه أدينى .. كل واحد عاوز

ينهنى .. كل واحد عاوز يورثنى بالميا .. كل واحد

حاطط عينيه على القرشين اللى محوشاهم

- وانت محوشة إيه يا حسرة .. مش القرشين بتوع

- بتوع خرجتى يا ختى واللى ما فى غيرهم .. خايقة لأموت

ويشيعونى زى الكلية .. من غير صوان .. من غير

نصبة .. من غير قفها عليهم القيمة يقسروا فى ليلة

وحدق .. من غير ما يطعموا يتيم على روحى . نفس أبنى

لى مدفن غير المدفن المهودود اللى زى الحرابة اللى بترمى

فيه أمواتنا كأننا بترميم فى مدلق زباله ..

نفس أبنى لى مدفن عليه القيمة .. فيه حوش ومندرة

وتركيبه رخام ونور وميه وحوض فيه زرع .. طول

عمرى محب الحضرة .. ونفسى أموت وجننى خضرة

تمسك بأختها هاتم من يديها وتنسب بها فى شدة وهى تبهزا :

- أمنتك أمانة يا هاتم يا بنت شعراوى لومت قبلك لتكون

خرجتى من عندك .. إنت اللى تطلعينى بإيديكى دول ..

- يوه .. يا زنوبه ما تقوليش كده يا ختى .. أنا فى قلب أسمع

الكلام ده ..؟؟ إلهسى يا رب ما أعيش .. ولا أنسوف

اليوم ده أبداً (تلوح بذراعها فى حركة ندب) إلهسى

ما أعيش ولا يوم بعدك أبداً يا ختى ... يا حبيبتى يا ختى .

وأنا بيتق لى مين بعدك يا ختى ..

زنوبه تنسب بها أكثر وأكثر ..

- حلفتك بالنبي اللي زرتيه وحطيتي إيدك على شباهه ..
ما حد يطلعتني غير إيديكي دول .. عاوزه طلعتني تكون
طلعة أبهة من مقام بيت شعراوى .. ومن مقام الحاجة
زنوبة مرات العمدة وأم الرجالة وجدة الولاد الحلوين اللي
منورين الدنيا ..

- يوه .. ياخى برة وبعيد .. إنى فين والموت فين ..

زنوبة تنتسب بها أكثر وأكثر ..

- الفقها لازم يكونوا من الفقها بتوع الإذاعة .. والعجول
لازم تندبح للفقرا على طول الطريق من مصر لبيون ..
والدوار فى ببيون يتفتح للمعزين ياكلوا طول
الأسبوع .. سبعة أيام بلياليهم . والجنابة تطلع قدامها
صفين عسكر زى جنازة المرحوم الحاج شعراوى ..

- والطقم المذهب بتاعى يتحط فى المدفن وحرير الكفن
والليف والصايون والحنة أنا شارياه على يدك واتى
عارفه هو فين وعارفه غموشة العمر فين .. كل شئ على
يدك يا هاتم ياخى .. مفيش حاجة خافية عليكى ..

حلفتك بالكعبة اللي طفنتها ما تخلى مليه من فلوسى
ما تصرفهوش على الطلعة الأبهة اللي تشرفنى . عاوزه
أموت موتة من قيمتى ولا يطلعنيش الكلاب اللي
بيتقاتلوا على مال ويبيضوا فى لحمى بالحيا .. وصيتك
أحتك زنوبة .. مش عاوزه جتتى تترسى فى حفرة وتنتفضى
بالتراب .. لو طالوا فلوسى حا يعملوها والنبي ياخى ..
حاشيهموها بينهم ويستخسروا مليه فى يتيم يقرأ على
تربتى ..

زنوبة تربت على كنفها فى حب ..

- يا حنينة ياهنومه . يا طيبة ياهنومه (تنه وتيكى على
كنفيا) يا حبيبة العمر ياهنومه .. ما يورثيش فيكى
يوم وحش أبدأ . ما أشوفنى فيكى اليوم ده أبدأ ..

هنومة ما زالت تنهه ..

- وصيتك طلعت ياخى .. ماتسببينيشى لهم .

- يا طيبة ياخى .. يا حنينة ياخى (تعتدل فجأة فى جلستها
وتتكلم فى جدية) . ولا يكون عندك فكرة .. أنا مش ناسية
حاجة .. أنا من يومين مكلمة السمسار عشان يشوف لنا
قبراطين فى القرافة وعاطية له عربون .. وحياتك لنينى
مدفن معتبر بجوش ومندره وتركيبه رخام زى مدفن جدى
الشيخ شعراوى مكتوب عليه القرآن بمية الذهب .. مدفن
أبهة يحكى الناس ويتحاكوا عليه ..

تنظر إلى أختها فى انتصار وهى تنغمم ..

- خسارة فيهم اللبم اللي نسيه ..

- أى والنبي خسارة فيهم ..

زنوبة ترفع يديها إلى السماء ..

- بس لى طلب واحد يارب قبل ما أموت . نفسى أزور
النبي وأتلى بنوره .. وأحط إيدى على شباهه .. حجة
وزيارة يارب ولا يكثر عليك .

- سوا والنبي سوا .. إيدى على إيدها يارب ..

أصوات مشاخرة حادة تسمع من خارج المسرح .. زنوبة تسمع ..

- ياخى .. مين اللي يزعقوا دول (تنادى): بت

ياسكينه .. ياسكينه .. سكينه ..

تدخل الخادم ..

- مين اللي بيتخانقوا عندك ؟

- سيدى الدكتور وسيدى مراد ..

- ياخى .. هم ما بيطلوش خناق ..

- مش مولودين فوق رأس بعض ..

- قطعوا .. وقطعت خلفتهم .. لو كنت أعرف اللي حاشوقه

من وراهم كنت قعدت عليهم بظظهم (ترغ صسوتها

منادية) ياواد يا مراد .. ياواد يا أحمد .. وله يا كلب ..

يدخل الكلب .. والكلب هذه المرة هو الدكتور أحمد .. رجل فى

الأربعين له وجه صريح صاف .. وهو يجير وراه أخاه مراد .. وما

ما زالوا يتناقشان بمجة :

- تعالوا يا غجر ..

تعد يدها لهم فى طريقة آية فيسارح الاتنان إلى طبع قبلة الطاعة

عليها ..

أحمد - مساء الخير يا نينه ..

- مساء النور مالكو بتهيهوا كده ..

مراد - تصورى يا حاجة إنه عاوز ياخذ منى خمسين جنيه تبرع

علشان مشروع المستوصف الشعبى اللي حا يعمله لجلس

يداوى العيانيين ببلاش .. تصورى الجهل .. هى تكية ..

ملجأ .. وقف .. إنت فىن يابنى .. إنت نايم .. إنت فى

سنة ١٩٦٢ ، انتهى خلاص زمن التكايا والملاجيء ..

- هو حرام يعنى الواحد يعمل حساجة لله .. ثم أنا مش

حامل الكنتش ببلاش .. أنا حاعمل كنتش رخيص ..

تذكرة بشلن يخش بها العيان يكشف ويتعالج ..

- ها .. ها .. ها .. ها .. آل تذكرة بشلن .. آل .. ده الخلاق اللي

فارش فرشته على ناصية كوبرى الملك الصالح بيحلق

القفا بشلن .. بيق كشف إيه اللي بشلن .. ده ضرب

الرمل بشلن ..

- طبعاً .. واحد زيك ساف مال البلد بالاحتياش مش ممكن

تقدر تفهم ازاي تبق فيه ذمة فى الدنيا ..

- ذمة إيه يا جدع انت .. انت عاوز تكذب عليه والا على

نفسك .. الشلن ده ازاي حاتقدم بيه خدمة طبية ممتازة

للعيان .. حاتعمل له إيه .. حاتحس عليه والا تكتب له

رواندا وصودا ..

- تأكد أن معظم الأدوية الغالية اللي بيشتريها الأغنياء

العيط اللي زيك بجنيهاات .. ما تزيدش فى تركيبها عن

الرواندا والصودا والسلامكة ومسحوق العرقسوس وبذر

الحللة ..

- بقى ده كلام دكتور مثقف متعلم .. بقه بالذمة مش

خسارة فيك السبع سنين اللي تعلمتهم فى كلية الطب ..

بقه بالذمة إيه الفرق بينك وبين أمنأ الحاجة ..

زنوية - ما لها الحاجة يا كلب ..

يسارح إلى تقبيل يدها كالمعتاد ..

- أمى وسقى وعينى وتاج رأسى ..

أحمد - تأكد إن العلاج أرخص بكثير مما تتصور .. قزاة

البنسلين فى الجملة سعرها ٣ مليم .. قرص الفيتامين فى

الجملة سعره ٣ مليم .. الكينا والحديد أرخص من مواد

العطارة .. استغلال التجار هو اللى خلق الرعب فى
 الأسعار .. تأكد إن احنا يوم ما نعمل الكشف بشلن
 والدوا بعشرة صاغ حانكسب .. أنا حانكسب شهرى مش
 أقل من ٦٠ جنيه غير ماهيتى اللى باخداهم الحكومة ..
 حايبق إيرادى أكثر من ١٠٠ جنيه .. ماهم !!
 - وليه ما يكونش إيرادك ٢٠٠ جنيه .. وليه ما يكونش
 ٣٠٠ جنيه .. وليه ما يكونش ٤٠٠ !!
 - لأن الدنيا مش مكسب وبس .
 - (فى سخرية) أه ..
 - أنا مش فاهم ليه واحد زيك يبق طباع ، عندك ١٠٠ قدان
 وماكينه حليج وواهور ميه وعندك كفايتك من كل شئ
 يبق إيه لازمة الطمع .
 - وأنا مش فاهم ليه واحد زيك ما يكونش طباع .. مش
 بى آدم زينا !!؟ والا من أولياء الله .. والا ناوى تشتغل
 مبشر فى مستوصف ال .. الشعب .. بتعاك ده عشان
 اللى ما يخفش بالحقن .. تغنى عليه بالكلام .
 - والله يا أخى ما نافع فيك غنا .. ولا نافع فيك حقن ..
 بقالى ساعتين باشحت منك خمسين جنيه تبرع لله ..
 للمرضى الغلابة .. اللى ما لهمش حد .. ساعتين بأحاول
 أحسن قلبك مفيش فائدة .. كأنى باكلم فى حيطه ..
 صحيح اللى زيك ما تفعشى فيهم إلا القوة .. القانون ..
 أما اللوق فهو مع أمثالك شحاته .. أسفخص على
 أمثالك (ييصق مشمترأ) .. أنا مش عاوز منك ملهم ..

تغور وتغور فلوسك .. أنا عاروح أخد تبرع من نيته ..
 من أمى الحاجة .. من حبيبتى .. وحياتى .. وروحى ..
 وقلبي ..
 يذهب الى أمه فتنظر إليه تنذرا ..
 الحاجة زنوبة - إيه الموشح ده كله كان .. حبيبتى .. وحياتى ..
 وروحى .. وقلبي .. إيه .. عاوز إيه ياواد ..
 - عاوز تبرع فى مشروع المستوصف اللى حافطه لعلاج
 الفقرا .
 - هى سورة تبرعات ياوله .. دنا لسه دافعة قرش صاغ
 تبرع (تنظر إلى أختها) .. كان تبرع إيه ياهنومة اللى
 دفعنا فيه قرش .. أه (تمصر بخها) .. اللهم صلى عليك
 يانبي .. كان ..
 - جمعية رعاية السبيل ..
 - أيوه جمعية رعاية السبيل (تلفت حوها) مين يا خويا
 السبيل ده ..
 - أولاد سبيل إيه يا حاجة .. دى جمعية كلام فارغ .. أنا
 مشروعى أنا حاجة تانية .. أنا حافطه مستوصف لعلاج
 المرضى الفقرا ..
 - زنوبة - المرضى الفقرا ياخويا لهم ربنا .. وانت مالك وماهم ..
 - مالى وماهم ازى يا حاجة آمال أنا دكتور ازى .
 - انت دكتور مبرى عليك القيمة .. مالك انت ومال
 الفقرا .
 - يا حاجة ماتقوليش كده .. ده انتى مصلية وعارفة القرآن
 وربنا وصانا على الفقرا والمحتاجين ..

- ونعم كلام ربنا يا خويا ..

- طيب إيدك بقه على خمسين جنيه عشان نمشي على كلام ربنا .

٤ تحيط على صدرها ..

- خمسين إيه؟! .. يالھوى (تنظر الى اختها هنومه في فزع ثم

تبدأ في التهنئة من جديد) .. شايقة يا هنومه ولادى

بيعملوا في ايه .. كل واحد بيخش لى على طعمه (تنهه)

يا عينى عليه وعلى بخسى .. حتى ولادى .. ولادى ..

ماليش بخت فيهم (تنهه) وده بدل ما تمد إيدك في خمسين

جنيه تديهم لى .. وتقول لى .. خنى يامه دول عشانك ..

وده بدل ما تاخذ لى حتى من اللى بينهبونى ويسرقونى

واللى ما تبطش لهم قولة .. هاتى .. كمان تيجى انت

تقولى هاتى يامه ..

أحمد - يا حاجة انتى محوشة .. ومستورة .. ومشي محتاجة لى

ولا محتاجة جنس مخلوق .. حا تودى فلوسك فين ..

- (تنهه) أنا محوشة عشان أزور النبي يا خويا وأخط إيدى

على شباهك .. وأتلى بنوره مش بخلفتكو العكرة .. محوشة

عشان أقيم الفرض اللى ربنا فرضه عليه ..

- يا حاجه انتى حبيبتى بدل الهجة سبع حججات وقت بدل

الفرض سبع فروض ..

- اللى بيشفوف الحبيب ما يشبعش منه يا خويا .. ده شوق

ما يعرفوش إلا اللى شافه .. إلى زيك ما يعرفوش ..

- ياسسى الفلوس كتير والحمد لله .. يعنى خمسين جنيه

حايقتصوا اللى تحت البلاطة ..

- (تبدأ في اللطم والعديد) شايقة يا هنومه ياخسى ..

بيحسدونى على اللى معايا .. ويعمدوا عليه فلوسى ..

عاوزين ينهبونى .. عاوزين يسرقونى (تبتكى وتنهه) :

يا عينى عليكى يا زنوبة وع اللى جراللك

هانم - (تنسخط في أحمد ومراد) دهدى .. ما تزاحوا من وشنا

بق .. هو احنا حاشيل همك كبار وصغار .. مش كفاية

القلب اللى شفتاه في تربيتكم

الحاجة زنوبة

- مفيش وراهم إلا الحسارة .. اللى يطاوعهم بيع على

وراه واللى قدامه ..

هانم - وياريتنه يتمر .. إلا على رأى المثل .. إيد طويلة ولا حمد

ولا جميلة

أحمد - يا حاجة .. انتى لك مين في الدنيا غيرنا .. مش احنا

ولادك وأحبابك .. وفرحتك هي فرحتنا .. وسعادتك هي

سعادتنا .. ومصاحتك هي مصاحتنا

زنوبة - لأ .. إبعد عن المصلحة دى .. خلى المصلحة في حالها ..

قال مصلحتى قال .. إسمى يا هنومه إسمى .. قال

مصلحتى قال ..

هانم - يا خويا حل عنها بق .. مشروع إيه اللى انت جاي تسرح

بييه عليها .. وهى مالها ومال الفقرا .. ده ملك منظمه

سيده .. اللى بيريد له الفقر بيفتقر واللى بيريد له الغنى

بيفتنى .. وانت فاكر نفسك تقدر تشقى غلة ..

أحمد - طيب ودينى يا حاجة هانم ما حديكى حقنة السكر النهارده

وخليكى كده .. قاعدة من غير أكل ولا شرب .. أما

أشوف مين فينا حيقول .. الله حق ..

زنوبة - شوفي ياخني الواد الجاحد .. مستخسر الحقنة في خالته .
أحمد - أنا مش مستخسر الحقنة في خالتي .. أنا عاوز أدى الحقنة
لكل الناس اللي يحتاجوها .. عاوز أعالج كل الناس ..
جريمة دي .. أجمرت في حق الإنسانية .

ضجة عيال وتهريج وصفافير خارج المسرح

تدخل جيجى « بنت مراد » امرأة في الثلاثين ممثلة حيوية وأتونة
شعرها مصبوغ أحمر .. والبودرة والروج على الآخر .. والفستان محزق
وشكلها أرنيست .. ومعها زوجها الأستاذ نسفيق .. وأولادها مندوح
والهام وعادل يحملون تورنه كبيرة فيها ٨٢ شمعة موقدة .. ووراءها
الأستاذ السبكي المنتج والأستاذ لاشين المخرج .. والعمة العانس
نفيه .

والأولاد يغنون لجدتهم احتفالاً بعيد ميلادها الـ ٨٢ والحفلة مفاجأة
دبرتها جيجى .. مفاجأة للجميع حتى الجدة الحساسة زنوبة نفسها التي
لا تذكر متى كان ميلادها .

صباح .. صراخ .. تصفير .. تهريج ..

هيه .. هيه .. هيه ..

اللى يحب جدته يقول .. هيه ..

هيه (صواربخ وصفافير)

غناه (جيجى تقود الكورس)

جدتنا الحاجة زنوبة

الحلوة الزينة الحويوة

مبروك ميلادك الليله

تهانينا من كل العيله

عقبال ألفين ألفين ليلة

هيه .. هيه .. هيه ..

اللى يحب جدته يقول .. هيه

هيه .. هيه (صواربخ وصفافير)

الأولاد يهجمون على جدتهم ويتسلقون أكتافها ويوسعونها عناقا وتقبيلا

يا لله نطق شعوع جدتنا

ننفخ فيها .. بقوتنا

يارب خليها .. حبيبتنا

ينفخون الشموع حتى تنطفئ

الحاجة زنوبة تفتح ذراعها لتستقبل حفيدتها جيجى في فرحة وتقبليها

في كل مكان من وجهها وشعرها

زنوبة - يا خدوجتى يا كتكوتتى يا قاطق الحلوة .. ربنا يخليكى لى

انت ألف سنة .. (تنظر إلى ولديها أحمد ومراد في غيظ)

ما جاتش منهم .. ما جاتش من الرجالة الكبار المتعلمين

اللى بيحسبوا ويكتبوا ويعرفوا الواجب (تعود إلى تقبل

حفيدتها) .. كفاية إنت لى فى الدنيا .. يا حلوه ..

يا قطة .. يا جيجى ..

تضع يدها في عبا وتخرج حزمة من أوراق البنكوت وتعطى ورقة

مجمعة جنبها لكل ولد من أولاد جيجى .. في فورة من الفرح .

- خدوا ياولاد .. افرحو وغنوا .. وادعو لجدتكم ..

- هيه .. هيه .. اللى يحب جدته يقول .. هيه ..

أحمد ومراد يصيحان .. هيه .. ويمدان يدهما فننظر إليها الجسدة في

شاعة ..

- لا .. ده بعدكم

تخرج حزمة أخرى من البنكوت وتعطيها لجيجي

- دي عيديتك انتي يا حبيبتي .. يا قطني .. يافلتي

تبدو من معاملة الحاجة زنوبة لجيجي أنها متممة بها .. معجبة ببهاها
وتبذلها .. ويبدو من نظراتها أنها تتذكر شبابها .. وأنها تمنى لو أنها
كانت بهذا التبذل .. وهذه الحرية ..

مراد يمس لأحمد على جانب المسرح

- ما قدرتش انت تطلع الفلوس دي بمشروعك بتاع

مستوصف الشعب .. دلوقت طلعت الفلوس للست

جيجي .. فاتنة الزمالك .. (مقلداً أمه) لقطقي ..

وقلتي ..

أحمد - ومين الراجل التخين اللي جاي معاها ده

- الأستاذ لاشين المخرج اللي اكتشفها .. اللي اكتشف الوجه

الجديد .. جيجي فاتنة الزمالك ..

- والأصلع الثاني ده مين

- ده الغنى التيم المغرم .. الأستاذ السبكي المنتج اللي

بيصرف على الاتنين ..

- وجوزها الأستاذ شفيق راضي بكده

- أصل جوزها يبق الأستاذ .. شفيق (يقوم بحركة مخرنة وهو

ينطق الأستاذ شفيق بما يعني أن الأستاذ شفيق مخرنت)

- شيء لطيف

جيجي تقطع التورته .. وتعطي قطعة كبيرة للأستاذ السبكي وهي

تبتسم وتبادلته نظرة كلها غزل .. تصيح فجأة وهي تقطع قطعة أخرى

من التورته وتضعها في طبق ..

- جوزي حبيبي فين .. فين .. شفيق .. شفيق .. يا شفيق ..

يا شفيق .. إنت رحمت فين ..

زوجها الأستاذ شفيق ينسق طريقته إلى طبق التورته وسط الزحام

- أنا هوه يا حبيبتي

ياخذ منها الطبق وينهمك في الأكل ..

الحاجة زنوبة في حالة نشوة بنفسها .. وهي قد نسيت تماماً السبحة

والسجادة .. وبدأت تتجول في فرح بين العيال كأنها طفلة منلهم تقطع

من تورته .. وتأكل .. وتغنى .. وتدندن بصوتها ..

الحاجة زنوبة - هيه .. هيه

اللي يحب جدته يقول هيه ..

قولو يا اولاد معايا .. اللي يحب جدته يقول ايه ..

الأولاد - يقول هيه ..

تتذكر هنومه

- هنومتي .. تعالي ياهنومتي .. انتي فين

تقطع قطعة كبيرة من التورته لأختها وتناولها وما تتعانقان جيجي

تبحث بعينها

- بابا .. أنا نسيتهك إنت فين .. إيه واقف لوحدك بعيد كده

ليه مع عمي ..

مراد - بتتفرج

- بتتفرجوا على إيه ؟

- على الدنيا .. إنتي حققت النهاردة نجاح ما حصلتي .. أنا

أحسدهك .. من يوم ورايح لازم تعلميني ازاي بتعيشي في

الدنيا كده إنتي مدهشة

- أعلمك؟! العفو.. دنا تربية إيديك

أحمد - أى والله تربية إيديه فعلاً

مراد - إنما قوليلى إزاي عرفتى إن النهاردة عيد ميلادها.. إيه
اللى فكرك؟..

جيجى - (هامسة) عيد ميلاد إيه باباها.. سلامة عقلك.. هي
جدت لها ورقة ميلاد...؟؟؟.. دى من سواقط القيد
مراد - الله أمال

يفتح فة فى دهشة ثم يضحك وقد اكتشف النكتة كلها

- الله يجازيكى.. وعجائزى شيطانك.. انتى اخترعتى الحكاية
دى كلها...؟؟؟.. الله يجازيكى.. ها.. ها.. ها..

أحمد يضحك..

جيجى تضحك..

الثلاثة يضحكون معاً طويلاً

مراد - والوليه المخرفة صدقت

يستفرون فى الضحك من جديد

جيجى - حاعمل إيه.. الواحدة بتحتاج قرشين من وقت
للتانى..... مصاريك كترت

يعلو صوت الأستاذ شفيق رقبياً حاداً من أقصى ركن المسرح:

- تصوروا إهنا عمالين ناكل ونفسي وناسيين إن القيامة

حاتقوم الليلة دى

السبكي- قيامة إيه.. إنت بتصدق تخاريف المنجمين الهنود

- ده مش المنجمين الهنود بس.. ده كل مراصد العالم قالت

إن كواكب المجموعة الشمسية حاتترص صف واحد طوله

٥٠٠ مليون ميل

السبكي- طيب وإيه يعنى ما تترص يا أخى.. ما هي طول عمرها
بتترص مرة بالطول ومرة بالعرض ومرة دائرة.. إيه يعنى

شفيق - لا يا سبكي بك.. دى حاجة بيقولوك إنها ما بتحصلش
إلا مرة كل ألف سنة

السبكي- العالم موجود من ألوف السنين ما قامش قيامته ليه مع ان
الكواكب اترصت بدل المرة ألف مرة

شفيق - ما كل مرة تسلم الجرة

لاشين - لأ والعجيبة إن المنجمين العبط صدقوا نفسهم وطلعوا
فوق الجبال وطلع معاهم آلاف الهنود عشان يباتوا الليلة

دى فى الخلا

شفيق - طيب افرض ان القيامة قامت بصحيح

لاشين - أعوذ بالله

جيجى - عمق نفيسه تفرح أوى لو قامت القيامة.. طول عمرها
كانت بتقول لنا يا رب تقوم قيامتكم يا اولاد

نفيسه - (تتكلم لأول مرة وهى عانس حول الأربعين.. قبيحة.. فى
ملاحظتها حقد ومرارة..) الناس كفروا.. والنسوان

فجروا.. والعالم ضل.. لازم تقوم القيامة ويستقر أهل

النار فى النار.. وأهل الجنة فى الجنة.. عشان كل واحد

يأخذ جزاءه..

جيجى - وانت من أهل الجنة والا من أهل النار يا عمى

- أنا من الجنة اللى إنتى مش منها يا خديجة يابنت أخويا

- طمتمتى الله يطمنك (ضحك)

مراد هامساً لأحمد على جانب من المسرح:

- مش كنا شفتنا لأختنا عريس عشان تبطل تدعى علينا
بيوم القيامة ..

- وإيه الفائدة .. لو كنا جوزناها كان جوزها دلوقت هو
اللى بيتمنى تقوم القيامة
- على رأيك

شفيق ما زال يتكلم عن يوم القيامة .. وهو الآن قد أخرج صحيفة
من جيبه .. وأخذ يقرأ فيها ..

- تصوروا إن المرضى فى الهند رفضوا إجراء العمليات
الجراحية انتظاراً ليوم القيامة .. والتلامذة بطلوا يروحوا
المدارس

الحاجة زنوبة ايه الكلام الفارغ اللى يتقوله ده .. قيامة إيه .. حد
دخل علم الله .. وفيه علامات الساعة ..
هى الساعة مش لها علامات .. فين المسيح
الذجال

أحمد يشاور على مراد ثم يقوده من كتفه الى منتصف المسرح
- المسيح الذجال أهوه .. أقدم لكم المسيح الذجال ..
الأستاذ مراد الشورجى .. راجل طيب جداً زى دودة
القطن .. هو اللى بياكل قطن الفلاحين فى بسيون كل
سنة ..

مراد - دودة القطن أحسن من دودة العلق الطبي اللى تبص دم
العيانين شلن شلن يا دكتور أحمد
أحمد - المسيح الذجال مستعد لتوصيل السلف والرهونات
والكبيالات والمجوزات إلى المنازل .. حد منكم مش

مديون للأستاذ مراد .. اللى مش مديون يرفع صباعه
(لا أحد يرفع صباعه) شوف الجامع مدينين لك إزاي ..

شوف خدماتك فى كل مكان إزاي يا منقذ البشرية
چيچى - بابا مساهم فى كل المشاريع الخيرية فى البلد .. بابا أكبر
راجل خير فى الدنيا .. اوعى تتكلم

أحمد - هو فعلاً مساهم كبير .. له ألف سهم فى الشركة العقارية
وألفين سهم فى شركة الزيوت وتلات آلاف سهم فى
شركة سيجارات وأربعة آلاف سهم فى شركة سيلوس
للتعدين .. حد يقدر يتكلم ..

مراد - مش أحسن من الانترنت بتاعتك .. لو كل واحد كان
من كبار المساهمين زىي .. ما كانش بقى فى العالم مشاكل
ولا أمراض

أحمد - إزاي بقه .. ده مشكلة العالم سببها كبار المساهمين
أمثالك .. العالم بيحارب بعضه عشان أمثالك

مراد - بالذمة يا اخواننا الراجل ده مش مجنون .. بالذمة مش
لازم القيامة تقوم عشان تأدب المجانين اللى زى دول ..

شفيق يتذكر حكاية القيامة فعوده إلى التعليق بصوته الحاد الرفيع
- من حيث ان القيامة حا تقوم فهى فعلاً حاتقوم .. أنا

ورئيس جمهورية بورما شخصياً متأكدين إنها حاتقوم
الليلة .. تصوروا إن رئيس جمهورية بورما أطلق سراح
٦٠٠ حيوان منهم ٣ خنازير و ١٥٠ حمامة و ٣٠٠ كابوريا
و ٥٥ سمكة وقفل السلخانة تلات أيام عشان الآلهة تأجل
يوم القيامة

مدوح وإلهام وعادل أولاد شفيق يتراوح سنهم من ٩ إلى ١٣

يتصاحبون في وقت واحد

الهام - أنا خايغه يا بابا

ممدوح - بلاش سيرة القيامة دي .. السيرة دي بتخوفنى

عادل - يعنى إيه يا بابا القيامة؟؟ .. يعنى كل الناس توت ..؟؟

يعنى احنا حانوت يا بابا .. يعنى مفيش بكرة

أحمد - ما تخافوش .. القيامة حما تقسوم علينا احنا بس .. مش

عليكم انتم يا كتاكيت .. إنتو لسه عندكو بكرة .. وبعد

بكرة .. وبعد بعد بكرة .. مش كده يا مراد بك

مراد - إنت راجل مجنون

أحمد - أبوه أنا راجل مجنون .. أنا عارف انى راجل مجنون ..

وانت كمان راجل ميت .. انت ماشى على رجلك لكن

ضميرك ميت .. بص فى المرآة .. شوف شكلك محنط

ازاى ..

الحاجة زنوبه - خد فلوسى الراجل ده .. خد فلوسى (تساور على

مراد)

أحمد - ميت خد من ميت .. حاتروح الفلوس فىن .. ما تخافيش

يا حاجة على فلوسك .. فلوسك حاتوصل لأصحابها ..

الحاجة زنوبه - (تنهه) فلوسى ..؟؟ فلوسى .. فلوسى .. كل واحد

بيجيبنى على طمعه .. كل ما أسلم على واحد أعد صوابى .. كلهم

بيسرقونى .. مش فاضل لى غير هنومه .. أخنى الحنينة

الحلوة .. الطيبة .. الأصبيلة ..

أحمد يقدم لها قطعة من التورته

- كللى من تورتهك يا حاجه .. عشان تعيشى ألف سنة كمان

وتشوفنى وولد وولد وولد ..

زنوبه - أنا عاوزه أزور النبى .. عاوزه ألقى بنور الحبيب .. مش

عاوزه أشوف خلقك ولا خلقة ولادك .. ابعده عنى انت

وأخوك ..

چيچى - حاتاخذينى معاكى يا جدق عند النبى

زنوبه - أخذك يا قوطونى .. يا خذوچى

چيچى - أنا عاوزه أروح معاكى .. عشان أمثل .. حاسمىل دور

جارية عربية .. مش كده يا أستاذ لاشين مش دورى فى

الرواية جارية عربية

لاشين - لأمش جارية عربية .. جارية تركية فى بلاط أمير شرقى

چيچى - (مبسوطة جداً تصفق بيدها) .. الله .. وبعدين ..

حاصمىل إيه .. احكيلهم على الدور يا أستاذ لاشين

لاشين - حاجبىك الأمير ومخطفك وهرب بيكى فى الصحراء

چيچى - (فرحانة جداً) .. الله ..

لاشين - وبعدين تتروها انتو الاتنين فى الصحراء .. وتقعوا فى يد

عصابة من قطاع الطرق وتحصل معركة ومبارزة بالسيف

بين الأمير ورئيس العصابة

چيچى - الله .. ويتنصر الأمير على رئيس العصابة ..؟؟

لاشين - لأ .. المنتج رايه إن الأمير يقع جريح عشان تبق الرواية

مشرية أكثر .. وتعلق المتفرجين أكثر

چيچى - فكرة هائلة

المنتج يتنصم لها وينحنى شاكرأ فى خجل وتواضع

لاشين - ورأى السبكى بك إن احنا نعمل تابلوهات رقص فى قصر

الملك .. ونعمل لقطه فى ممدوح الأمير .. لقطه فيها

إغراء .. وسكس .. ودلع

جيجى - (تصفق) الله .. جنان

لاشين - وزوجة الأمير تضطك وانتى فى أحضان جوزها وتهجم
عليكى بضوافرها وأستانها .. وتشد شعرك .. وانتى
تهجمى عليها وتشديها من شعرها وتجرجرها على الحمام ..
وتختفيها

جيجى - آياه .. روعة .. دى تبقى رواية ما حصلتش .. دى
تكسب مليون جنيه .. تكسح السوق .. إيه الأفكار دى
يا سيكى بك .. ما كنتش أتصور إنك مؤلف كبير كده .
السيكى - (فى تواضع جم) الحقيقة انا تعبت فيها كتير .. غيرت
الكتاب الأصلى كله .. وعدلت فيه .. وألفته من
جديد .. والمعجبة إن المؤلف بدل ما يشكرنى .. زعل
منى ومسك فى خناقى .. ازاي أشوه الـ (فى سخرية)
الـ .. الأدب الرفيع اللي كاتبه ..

جيجى - ده إنت عملت لها قفلة جنان .. جنان .. إيه رأيك
يا عمى ..

أحمد - رأيى أنها جنان فعلاً .. جنان إن رواية زى دى تطلع فى
السينما .. وجمان إنها تكسب وعيادات الدكاترة جنبها
بتخسر .. يبقى لازم القيامة تقوم فعلاً .. يبقى العالم
عايش بالقلوب .

شفيق - أنا معاك .. بقينا ثلاثة .. أنا وانت ورئيس جمهورية
بورما .. مين معانا .. مين يقول إن القيامة حاتقوم الليلة
دى .

مدوح - يا بابا ما تخوفناش يا بابا ..

الهام - أنا مش عاوزه أموت يا بابا .

عادل - أنا خايف .. يا ماما .. القيامة حاتقوم .

الحاجة زنوية كانت نائمة أثناء الحديث وتبقت على صراخ العيال
- قامت قيامتك إنت وهوه .. هو حد دخل علم الله .. أنتو
بتصدقوا الرجاله المخرفين دول .

جيجى - والنبي يارب ما تقوم القيامة قبل ما أمثل .. نفسى
أمثل .. نفسى أبقي نجمة إغراء .. نفسى أبوظ على
بريجيت باردو .

نغيسة - (وجهها يطفح مرارة .. رافعة يديها إلى السماء) يارب
طريقها ببق .. هدها .. خلى عاليها واطيها .. ساويرا
بالأرض .. يا قوى على كل ظالم .. عبيدك ظلموا .
وكفروا .. ومكروا .. وفجروا .. ومشيسوا عريانين فى
الشوارع .

صوت رعد يشق الصمت فجأة .

صراخ .. ورعب .. يعنى على الحاجة زنوية .. ويبيكى الأولاد
وتصحو هنومة مذعورة .. والأصوات اللي تردد فى تلك اللحظة هى
مزيج مختلط .

جيجى - يا دهوقى ..

هنومة - الحقونى ..

شفيق - القيامة قامت ..

هنومة - إيه ده ..

مراد - يا ساتر يا رب ..

لاشين - أنا شفت السبا بتيرقى ..

السيكى - يا رب لطفك ..

أحمد - إيه بس يا جماعة دول شوية رعد .. هو ..
يعود الصوت الراجع هذه المرة بشدة أكبر .. وتَهْتَز النجفة تقع
جيجي على الأرض وهي تصرخ ..
- إلحقوني ..
شفيق - القيامة قامت ..
يشند الرعد .. ويبدو وميض البرق في النوافذ .. وصَهْرَ المسرح
هزات شديدة .
زنوبة تفتح عينها من الإغماء .
- إيه اللي جرى يا ولاد .. الدنيا بتتهز كده ليه ؟
يصود الرعد .. بشدة مرعبة .. وهبط السقف في سقوط مخيف
ولا يقع .. وإنما يظل معلقاً فوق الرؤوس .. يتحول لون السماء إلى
حمرة الحريق .. ويبدو ضرام نيران على البعد .
مراد - البلد بتتحرق .. يا خبر إسود ..
المسرح قوضي .. وذعر .. وإغماء .
رعد وهزات أخرى شديدة .. وينطلق النور من المسرح ولا تعود تبدو
إلا حمرة الحريق من النوافذ وضرام النيران على البعد ..
والأصوات تعود مختلطة في الظلام ..
- يارب ..
- يارب ..
- يارب لطفك ..
- تبت إليك ..
- أشهد أن لا إله إلا الله ..
- يا حي يا قيوم .. يا حي قيوم ..
- ارحمنا يارب ..

- الملك لك وحدك ..
- يارب ..
- يا الله نطلع بره ..
- حانطلع فين .. ده فيه حريقة بره ..
- الولاد .. الولاد .. إنتو فين يا ولاد ..
- حاموت ..
- حاموت ..
- أه ..
صرخة حادة ..

أصوات كراسي تقع ومراة تنحطم .. وأنات يقع على الأرض .. أين
خافت ..

سستار

الفصل الثاني

تراح الستار عن المنظر السابق . وقد تحول إلى أنقاض
وخرائب .. السقف سقط ولكنه نجى من الانهيار بارتكازه على
دعامات الأسمنت المسلح .. الحائط مشروخ ومائل على جنبه ولكنه لم
يسقط تماماً .. زجاج النافذة والشييش والضلف غير موجودة
والنافذة متفسخة وتبدو على هيئة فراغ بين أخشاب منهارة وهو
فراغ يطل على سماء حمراء متوهجة في الخلف . الأثاث ملق على
الأرض ومحطم .. المرأة مكسورة .. الريح تعوى في الخارج كأنها
تقطع من الذئاب الجائعة .. عروق من الخشب تقطع المنظر بالطول
وبالعرض .

هناك شعدان موقد .. ترتعش شموعه .. وتلقى ضوءاً باهتاً مخيفاً
على المسرح ..

نفس الشخصيات في الفصل السابق كما تركناهم .. ولكنهم الآن بين ملق على الأرض بين وبين مقفى عليه وبين جالس يملق في فزع وقد فتح فة في ذهول .. وبين منكش في ركن يرتجف من الملح .. الأطفال مكمون في ركن وكل واحد منهم مسك بالأخر .. ملابسهم جيباً رثة وقذرة ومغبرة .

مراد ينظر حوله في شروء .. ثيابه مزقة وعيناه زانفتان يلتفت إلى الدكتور أحمد الذي يجلس بجواره كأنه لا يعرفه ثم يبدو في عينيه كأنه يتذكره .

- إحنا فين .. إحنا فين .. إيه اللي جرى .. إحنا فين (يصرخ فجأة في ارتياح) إحنا فين ؟!

يفيق باقي الأشخاص .. وتصدر عن كل منهم حركة تدل على أنه سمع الصرخة .. وأنه لا يفهم .

أحمد ينظر حوله ويبدو عليه أنه يستجمع أفكاره ثم يقول فجأة :

- إحنا في الآخرة ..

مراد - آخرة إيه ؟؟؟ .. إنت اتجننت ..

- مش القيامة قامت ؟

- قيامة إيه ؟

- تمام بالضبط زى ما المتجنين المنود قالوا .. الساعة عشرة مساء .. الدنيا انطربقت باللى عليها ..

مراد يخطب جيبته وقد تذكر كل شىء ..

- لكن إحنا لسه عايشين .. وده بيتنا (يقوم وهو يتعسر ويتحسس الأثاث المحطم) وده الدولاب بتاح الحاجة .. ودى ساعة الحيط وده البوريه .. وده الشمعدان ، مين نور الشمعدان ..

- أنا إللى نورته لما الكهريا انقطعت ..

- والحاجة .. وبتقى (ينظر إلى جيبى) .. واخى (ينظر إلى نفيسة) .. واحنا كلنا .. نفر .. نفر (يتحسس كل واحد) .. مش معقول .. مش معقول تكون القيامة قامت .. لو كانت القيامة قامت كنا متنا كلنا ..

أحمد - ما احنا متنا كلنا .. وبعثنا .. واحنا دلوقت أرواحنا اللي بتتكلم .

مراد - مش ممكن .. احنا عايشين .. لسه على الدنيا .

أحمد - تعرف متين ؟

مراد - إيه اللي اعرف متين .. إنت حاجتيني .. أنا عايش (يقوم ويفرد نفسه ويخطب جسمه بيديه) أنا عايش .. ده جسمى أهوه .. وده بيتنا .. ودى الدنيا ..

أحمد يضحك فجأة ضحكة هستيرية ..

- هى دى الدنيا ؟؟؟ بص كده من الشباك .. شوف اللي انت بتقول عليها الدنيا .

يذهب مراد إلى الشباك وينظر في فراغه إلى السماء الحمراء المتوهجة ويضع يديه على عينيه في فزع .. ويعود مرتاعاً ..

- أعوذ بالله .. السها لوتها كده ليه .

- فيه جنس بنى آدم ؟؟؟ فيه جنس شارع ؟؟؟ ..

أو بيت .. أو غييط .. أو مكان تعرفه .

- أعوذ بالله .. السها كلها ضباب أحمر .. مش قادر أشوف شبر قدامى .. والجو حر .. فظيح الدنيا كلها بتتحرق .

أحمد - دى مش الدنيا .. دى الآخرة .. إحنا في النار .

عدة صرخات من النساء والأطفال في وقت واحد .

أحمد - (مصرأ على رأيه) إحنا في النار.

مراد - إنت مجنون .. نار إيه .. احنا في الدنيا .. إيه اللي حاجيب بيتنا في النار .. إيه اللي حاجيب بيتنا في الآخرة هو كمان (يلتقط بروازاً محطأً من الأرض) ودى صورة أبويا ايه .. الصورة اللي كانت متعلقة على الحيطه .. إيه رأيك في الحكاية دى بقى ؟

يلتقط أحمد الصورة ويفكر ويهرش رأسه .. ويبدو عليه الشك .

أحمد - طيب لما احنا لسه في الدنيا يبقى إيه اللي حصل ده كله ..

إيه اللي جرى .

مراد - القيامة قامت .

أحمد - والقيامة لما تقوم حاتبق على حد 1111؟ ..

مراد - إرادة ربنا إنه يبقى علينا ..

أحمد - ليه بقى ؟

مراد - عشان احنا ناس طيبين .

أحمد - (ضحك ضحكاته المستيرية مرة أخرى) ها .. ها .. ناس

طيبين قوى .. ها .. ها .. ناس طيبين جداً .. أوليا .. هه

(يسحب أخاه مراد من كتفه) أقدم لكم الشيخ مراد

الشورجى .. حرامى .. ومرابى .. ونصاب .. وكذاب ..

وأفأك هاتك حرمان .. زيارة مقامه صباح كل يوم ..

ومواعيد السواريه الساعة التاسعة والنصف .. متنوع

الدخول لأقل من ١٦ سنة .. بركاتك ياشيخ مراد

(يمصص بقمه وهو يحرك يديه حول رأس مراد) .. بقى

القيامة تقوم وتبقى عليك .. دى القيامة تقوم بس عشان

تاخذ أمثالك ..

مراد - والله الواقع هو كده .. انا عايش أهوه ملء السمع والبصر (يقف) أنا الوحيد اللي واقف على حيلى في الدنيا اللي اتطربقت كلها .

شفيق يتكلم لأول مرة :

شفيق - ما تستعجلش .. لسه ما جاش دورك .. المنجمين الهنود

قالوا إن القيامة حا تاخد ٥٨ ساعة عشان تخلص على كل

الحياة اللي في الأرض .. لسه دورك جاش .. ودورنا إحنا

كمان .. كل شىء حايفنى .. كل شىء حاينتهى زى ما

قالت النبوءة .

مراد - المهم دلوقت مش إن احنا نقعد نقول كمان ساعة حاقوت

كمان ٥٨ ساعة حايفنى .. المهم نشوف لنا طريقة .. المهم

إن احنا عايشين .. إحنا الوحيدين اللي عايشين في

الدنيا .. تصوروا .. احنا الوحيدين اللي فاضلين على قيد

الحياة .. احنا اللي ورثنا الكون كله

أحمد - (في سخرية) بتموت وانت بتفكر في الميراث

الحاجة زنوبة تفتح عينينا من إغائها الطويل وتتقلب على جنبها ثم

تقوم وتقع وتتنظر حولها .. وتضع يدها على فها وتذكر .

زنوبة - طقم أسنانى .. فىن طقم أسنانى ياولاد .. طقم أسنانى راح

فىن .. طقم أسنانى

أحمد - (ساخراً) طقم سنان إيه يا حاجة .. !؟ .. اطلبى حاجة

تستاهل .. إحنا دلوقت حانوزع الميراث .. ميراث الكون

الحاجة - (تلتفت حولها في ذهل) إحنا فىن .. البيت ماله مطربق

على بعضه كده .. الشراعة مالها واقعة والدولاب

واقع .. والسقف نازل ع الأرض كده والبيت أنقاض
(غبط على صدرها وتصرخ) يارمن يا رحيم .. استرها
يارب .. أنا ف حلم والاف علم (تصرخ) هنومة ..
هنومة ..

(يفتنق صوتها) الحقيني ياخنى .. تنهار مكومة فى مكانها)

أحمد يكلم مراد وهو يشاور له على طريق الباب
أحمد - اتفضل يا مراد بك عشان تستلم حصتك من الميراث
مراد يقف فى مكانه يحملق فى الباب المتوح يتمتم فى ذهنه
مراد - العالم كله بتاعتنا .. فدادين بالملايين

أحمد - (ساخراً) بس يا خسارة .. مين حا يزرع
مراد - (فى نبرة من يفيق) صحيح .. مغيش حد يزرع .. مغيش
حد يجمع .. مغيش فلاحين .. مغيش حد يحسدى ..
مغيش حد حا يعظمى .. العالم خراب

چيچى - (فى صرخة هستيرية) لكن أنا عاوزه أروح باريس
أحمد - (ساخراً) مش حاتلاقى حد يفاضلك ولا عين تمزلك ..
مش حاتلاقى شيع يشى وراكى .. حاتبقى لوحسك زى
عفريت الماتة فى غيظ مغيش فيه حتى الغربان

چيچى تصرخ وتغطى عينها

نفيسة - (فجأة) روى جهنم .. روى النار .. روى الجحيم ..

انت دارك وقرارك الجحيم يا فاجرة

چيچى - (تنظر إليها فى غل) يا حسودة .. يا حقودة .. أنا عارفة

إنك طول عمرك نفسك تبق زبى ومش طابله

نفيسة - اللى على رأسه بطحة أهو حاسس بيها

چيچى - أنا عارفة البطحة اللى على راسى .. أدى البطحة اللى

راسى (تحل شعرها الجميل الطويل الذهب) شعرى
الطويل الناعم الذهب ٢٤ قراط اللى ما حيلتيكىش منه
شعرة واحدة .. يا قرعة .. يا زعرة .. هى دى البطحة
اللى غيظاكي

نفيسة - أنا أتفاظ من إيه .. يا مصبوغة .. يا مدهونه ده شعرك
ده بيتباع طسواق منه فى الموسكى .. الطاقية بمخسين
قرش ده انتى لو حطيتى راسك تحت الحنيفة تبق واحدة
تانية

ده انتى مرسوم عليكى وش تانى .. ده الرجالة اللى
بيجروا وراكى عمى

چيچى - عمى .. عمى .. فرحانه بهم .. عندكيش انتى واحد أعمى
يجرى وراكى

نفيسة - (فى حقد) بعد يومين أما تموتى شوفى خلقتك اللى
حايكلها الدود حا تبق شكلها إيه ..

چيچى - يعنى انتى لما حاتتوقى حايعبوكى فى علب محفوظة .. ما انتى
كمان حايكلك الدود

نفيسة - الأطهار أحباب الله .. بيموتوا وعلى وشهم النور

چيچى - ليه .. بيبقوا معقنين

أحمد - (يدخل فى الحناقة) أنا مع اخنى نفيسة .. أنا أعتقد أنى

حاموت طاهر .. معقم .. ومغيش دودة حاتقرب منى ..

لأن مغيش دلوقت ولا دودة ولا حشرة فى الأرض ..

الأرض كلها بقت معقمة .. كل الحياة ماتت من عليها

(فى أسى) ولو إن دى حاجة تزعل .. كان نفسى حد ينتفع

بوتى ولو حتى دودة

هنومة - (تبسق في عبا) بسم الله الرحمن الرحيم.. يا رب
احفظنا.. قيامة إيه يا خويا.. السماح والرضا
يا أسياى.. السماح والرضا يا أسياى.. انصرفى
يا روح.. انصرفى يا روح.. أنا في حلم والافى علم..
هم حايلسونى تانى؟

أحمد - هم مين اللي حايلسونى تانى يا خالى؟
هنومة - اخواننا اللي م الأرض يابى.. ربنا يحفظك ويصونك
منهم.

أحمد - مغيش حد م الأرض لابسك.. إنت في عقلك وفي وعيك
واللى انت شايفاه ده يوم القيامة

هنومة - يوه.. اللهم اخزيك يا شيطان.. هو انا كل ما اروق
حاشعكر تانى.. كله من الوليه الكودية اللي بت عندها
ديك الليلة.. أصل رجحها بيحبهم.. اما أقوم أجيب
البخور.. أتبخر وأحرق حبة مستكة أطردها الأرواح
الوحشة فى.

تقوم وتمشى كأنها تمشى فى نومها.. وتتجه الى باب مغلق فى أقصى
الصالة..

أحمد - إنتى رايحة فىن يا خالى؟
هنومة - حاروح أجيب حبة بخور من المطبخ.

أحمد - يا خالى تعالى مغيش عندك بخور.. ولا فيه مطبخ.
هنومة تخنق فى الظلام وتذرب خطواتها..

أحمد - الوليه راحت فىن؟
أصوات وقوع أنبياء فى المطبخ..

(كلمات هنومة تأتى من الداخل) يخنى هو زر النور فىن.. هو مغيش

چيچى - اطمن يا عمى.. الدود ماخلصنى من على وش الدنيا..
لسه فيه (تتاورد على عمتها) منس عجباك الدودة دى كلها
نغيسة - (تصرخ فى غل وهى ترفع يديها للسما) يارب.. ويربى
فيم

مراد الذى كان يمشى نحو الباب المفتوح يتوقف فجأة.. وتتسع عيناه
من الذعر.. ويتراجع وهو يهتف:

- ياساتر يارب.. ياساتر يارب.. أعوذ بالله

شفيق - فيه إيه.. مالك يا مراد.. شفت إيه

مراد - سكينه الخدامة ميتة مع الباب

موسيق تصويرية تصور الصدمة

وجوم وذهول على الوجوه

سكوت وقد خرست الألسن لحظة

مراد واقف يغطى عينيه بيديه

الحاجة هنومة تصحو من إغائها.. وتنظر متفحصه الوجوه والمكان
الحاجة هنومه- أنا فىن.. إيه اللي جابى هنا.. وقين زنوبة أختى..

إيه اللي نومها قبل ما تصلى العشاء.. زنوبة.. زنوبة..
إصحى يا زنوبة.. ولاد.. النور وأطسى كده ليه

ياولاد.. ومولعين الشمعدان ليه.. هى الكهروبا راحت..
هى الشركة دايماً كده شغلها بايظ (تنظر حوها يتمعن

أكثر) ياخنى.. أعوذ بالله من الشيطان الرجيم.. إيه
ده.. الدولار إيه اللي وقعه.. والشسباك مخلوع كده

ليه.. والدنيا ماها حالها مقلوب كده.. بسم الله الرحمن
الرحيم هو جرى إيه؟

أحمد - أصل يا خالى القيامة قامت

أبوهم نفسه يرتجف من الذعر .. أهم تفكر في مسائل أخرى مختلفة
أحمد - تعالوا عندي ياولاد .. تعالوا ماتخافوش .. (ينهب إليهم
ويحوظهم بذراعيه ويدخلهم في صدره)

تعالوا معاً .. أنتو حبابي .. ماتخافوش .. مش حابجيري
لكو حاجة خليكم جنبي (يأخذهم الى جواره) أقعد
يا ممدوح (يضع له كرسى بجواره ولكن الكرسي لا يقف على
الأرض ويظل يتأرجح كأن به رجلاً قصيرة وأخرى طويلة)
الكرسي مش عاوز يستقر في مكانه ليه ؟ (يتفحص
الكرسي ويتفحص الأرض) إيه البلاطة العسالية دي
(يتحسها) دي البلاطة بتطلع (يرفع البلاطة) يا خير
إيه ده (يرفع من تحت البلاطة رزمة من الأوراق المالية)
إيه دي .. فلوس (يفض الأوراق) دي كلها أوراق
بعشرة جنيهه .. ميه .. ميتين .. ثلاثية .. ربعمائة ..
خمسائة .. الف إيه دول .. دول فوق خمس آلاف جنيهه
(يضحك) فلوس أمتا الحاجة اللي تحت البلاطة خمسة
آلاف جنيهه يا حاجة .. حاتعمل بيهم إيه (يضحك) مدفن
بحوش وتركيبه رخام منقوشة بية الذهب (ينظر إليها وهي
مددة قليلة الهيلة فاقدة النطق) وشادر .. وصوان ..
وجنازة قدامها العسكر صفين .. شايغة ازاي أنا فاكر
طلباتك يا حاجة مش ناسي ولا طلب (يسز رزم الورق في
يده) خمسة آلاف جنيهه يا حاجة .. عاوزة تبنى هرم رابع
هرم رابع تنامى فيه يا حاجة حتشيسوت ا (يضحك)
وحاتعملى إيه بالتركيبه الرخام المنقوشة بية الذهب ..
عشان الناس يقولوا (بصوت متمبل) هنا ترقد الحاجة

نور والا إيه ..

أحمد يرفع صوته ليصل إلى أذنها ..

- يا خالتي مغيث نور في البيت كله .

تعرد هتومة وفي يدها شمعدان آخر وعلبة كبريت .. تشعل
الشمعدان .. وتنتظر في الصلاة التي بدأت تنضج لها أكثر .. تمسك
الشمعدان وتقربه من الوجوه واحداً واحداً .. وهي تغمص شفيتها :
- مال وشوشكم زى وشوش الميتين كده .. مالكو صفر
وبترتعشوا .. هو فيه إيه .. جرى إيه .. بسم الله الرحمن
الرحيم .. جتني بتتنفض .. أما أروح أجييب البخور قبل
ما أنسى .

تعرد في اتجاه الباب حاملة الشمعدان في يدها ..

أحمد - ياخالتي تعالي رايحة فين ؟

هتومة - اسكت يا وله بلاش دوشة .. خالتي .. خالتي .. خالتي ..

هو انت في بلك عقرت اسمه خالتي .

تدخل من الباب وتختفي في الظلام .. تعوى الريح وتعول بصوت

حزين مفتح ..

أحمد - (في يأس) دي الولية دي مش دارية بحاجة .. دي في عالم

تاني خالص ..

تعرد الرياح فتعوى كأنها ملايين الذئاب الجريعة ..

الأطفال يسكون ببعض ويرتجفون ..

ممدوح - أنا خايف يا بابا

الهام - أنا حاصوت .

عادل - إلحقى يا بابا تعال خذنى .

زنوبية شعراوى سليلة المجد والكرم . بدمتك حاتسمى
حاجة من الكلام ده (يناديها) ده أنت مش سمعاني من
دلوقت .. (يناديها) يا حاجة (يزها) يا حاجة ..

الأولاد يتحلقون حوله ويتفرجون عليه بفضول .. وطول الوقت كانوا
يتبعون حكاية الفلوس التي وجدها تحت البلاطة بشوق مزايد .. وهم
الآن يحاولون مساعدته ..

مدوح - نرش على وشها ميه ..

الهام - تزعق لها في ودتها ..

عادل - نشمها تشاشر ..

أحمد - نشمها فلوس أحسن (ينظر إلى رزم الفلوس في يده) ..
خسة آلاف جنيه .. ورق بعشرات .. كل ورقة تنطع
الثانية .. يفك الرزم ويفر الأوراق ثم يبدأ في إلقاء
الأوراق في الهواء .. ورقة .. ورقة .. يقذف بها إلى أعلى
السقف وهو يعد (عشرة .. عشرة .. عشرين .. ثلاثين ..
أربعين .. خمسين .. ستين .. ثمانين .. تسعين .. ميه ..
ميه وعشرة .. ميه وعشرين ..

الأولاد يتنافسون في التقاط الأوراق من الهواء ويجرون خلفها في كل

مكان ..

جيجي - (تصرخ في وجهه) إيه ده إنت اتجنتت ... بترمي الفلوس
في الأرض ..

أحمد - دول مش فلوس .. دول كانوا فلوس لما كان فيه في
الدنيا ناس يتبيع وتشترى .. إنما دلوقت بقوا ما يساووش
حاجة .. حاتلهم لين .. وعشان تشتري بيهم إيه ..
وليه .. ما الدنيا كلها بتاعتك .. انزلى خدنى منها اللي

اتنى عاوزاه (يعود إلى بعثرة الأوراق في الهواء) ميه
وتلاتين .. ميه وأربعين .. ميه وخمسين ميه وستين ميه
وسبعين .. ميه وثمانين .. ميه وتسعين .. ميتين (ينظر
إلى جيجي) دول دلوقت بقو زى ورق الجرايد .. ورق
التواليت .. (يعود إلى البثرة) ميتين وعشرة . ميتين
وعشرين .. ميتين وتلاتين ..

جيجي - إنت اتجنتت

أحمد - بالعكس .. أنا عقلت .. عقلت جداً .. وشفت كل حاجة
على حقيقتها (بصرخ) اللي حايعيش دلوقت مش اللي معاه
فلوس .. اللي حايعيش هو اللي حايقدر يشتغل .. هو اللي
حايعرف يزرع ..

جيجي - (تصرخ) لكن أنا ما أعرفش أزرع ..

أحمد - على كيفك .. جوعى .. موتى ..

جيجي - (في حركة إغراء) أنا ممثلة كبيرة .. أنا نجمة إغراء ..
إزاي أشتغل وأزرع ..

أحمد - ممثلة إغراء !!؟ تشرفتا .. حانتلى على مين . بعد شهر
يا ممثلة الإغراء لو كان لنا عمر .. حاتكون هدومك
دايت وكتنبا العتة وحاتكوني بقيتي عريانه ملط ..
وحاتكون زهقنا من الإغراء .. بتاع سيادتك ..

جيجي - إنت فظيع .. فظيع .. إيه الكلام اللي بتقوله ده ..

سوفاج .. سوفاج (نيكى) ..

أستاذ لاشين أنكلم .. قول حاجة .. قول إن الكلام ..

تثيل .. قول كلاكيت (تصفق بيديها) عشان أعرف إنها

لقطة في رواية .. وإنما مش حقيقة .. أنا حماموت ..
حماموت .. مش معقول ..

لاشين - بسيطة .. غالية والطلب رخيص (يصفق بيديه) ..
كلاكيت .. استرحني ..
جيجي - غيروا المنظر بق .. انتهت اللقطة (تلفت حولها) فين
الغراشين ..

أحمد - مفيش فراشين .. اقوم انا أغير المنظر (يقوم من مكانه
وينهب إلى الستارة المسدلة في ركن ويفتحها فيبدو من
ورائها الحطام والخايط المشقوق والثغرة الواسعة التي تطل
على النساء الحمراء المتوهجة المرعية .. وتعوى الرياح معولة
كأنها آلاف الذئاب الجائمة) يعجبك المنظر ده والانغيره
كيان .. كلاكيت (يصفق بيديه أمام باب المطبخ الذي
أغلقت عليه الحاجة هنومة خلفها فينهار الباب تماماً ويسقط
وتسقط عليه الحاجة هنومة جثة هامدة متخنسة وفي يدها
شمدان .. صراخ حاد .. ورعب .. ويتجمع الأشخاص حول
الجسد المتخشب ويد أحمد بيده فيرفع الجثة وينظر في العينين
الزجاجيتين ثم يحملها على ذراعيه ويدخل بها المطبخ ويحتمى
لحظة ثم يعود وفي يده الشمدان .. يحتمل حتى يعلق الباب
المكسور ويعيده إلى مكانه ليحجب منظر الميتة بالداخل ..
يصفق بيديه) كلاكيت .. إيه رأيك .. تغير المنظر
تاني ؟؟ (يبدأ في إشمال الشمدان) ..

جيجي - انت مجنون .. أنت مجرم (تبتكي وتصرخ) .. تصحرو الحاجة
زنوبة على الصراخ والعمويل ترفع رأسها وتلفت في
الموجودين ..

- إيه يا أولاد فيه إيه .. مالكو .. جرى إيه .. أنا كنت
نايمه والا إيه .. هي الساعة كام دلوقت .. هي العشا
ادنت .. فين السجادة (تنظر تحت رجلها وتكتشف البلاطة
المخلوعة .. تهجم عليها وهي تصرخ) مين اللي شال البلاطة
دى .. فين الفلوس اللي تحتها .. فلوسى .. فلوسى (تلطم)
فلوسى ..

أحمد - يسارع برزم الأوراق ليضعها في حجرها) .. أهم .. أهم
يا حاجة ما تخافيش .. عديهم خمساية ورقة بعشرة .. يبدأ
في جمع الأوراق من على الأرض وتكويها في حجر المعجوز
المذهولة التي تنفجر بين لحظة وأخرى في نوبة من الصراخ ..
فلوسى .. فلوسى .. فلوسى .. (ثم ما تلبث أن تفقد وعيها
من جسديد الأولاد المرعوبين يتكلمون حول الدكتور أحمد
ويتعلقون بنبأه

لاشين - دلوقت أنا عاوز أفهم إيه آخره ده كله .. لازم تشوف لنا
حل ..

يلتقط الموجودون هذه الكلمة كأنها طوق نجاة .. وتسرى مهمة ويعتدل
كل واحد في مكانه ويمسح دموعه ويستعد الجميع لمواجهة الموقف
بواقعية أكثر ..

مراد - (وقد بدأ يفيق من صدمته وتلفت حوله) حانعمل إيه
يعنى ..

لاشين - احنا دلوقت مسجونين في خرابة بق لنا خمس ساعات
وكمان ثسوية حسا تواجهنا مشكلة إن احنا لازم ناكل
وتشرب وتعيش .. ومين يعرف يمكن يكون مكتوب لنا
عمر في الدنيا ...

مراد - حانعمل إيه يعنى ..

لاشين - لازم ندور على حل .. لازم ندور على أكل ..

مراد - إنزل دور ..

لاشين - (يتنحج في حرج وكأنه وقع في مصيدة) نشوف في المطبخ الأول يمكن يكون فيه أكل .

مراد - اتفضل المطبخ أهوه .. من هنا .. (يشاور له) يلبث لاشين في مكانه لا يجرو على الحركة .

السبكي - (في نبرة أرسقراطية) نادو على الخدام ... وله يا خدام (لا لأحد يرد .. بتلفت حوله في تساؤل) ..

أحمد - مفيش هنا خدامين .. سكينه الخدامة الله يرجمها (ساخرأ) ممكن تنادى عليها من الآخرة إذا كنت تقدر ..

السبكي على وشك أن ينادى عليها من الآخرة ولكنه يرتبك ويسكت

لاشين - (يتذكر شيئاً) السواق كان معايا في العربية .. فكرة ..

تنادى على السواق هو اللي يحل لنا المشكل

أحمد - اتفضل نادى ع السواق ..

لاشين - (يبحث عن باب الخروج) هو السلم فين ...

أحمد - مفيش سلم

لاشين - مفيش سلم إزاي ..

أحمد - السلم اتطريق .. احنا متعلقين ..

لاشين - (في بلاهة) طيب . أ . أ . أو الأسانسير .

أحمد - الأسانسير . . . ؟ (يضحك ولا يجيب) ..

لاشين - طيب ويعدين .. أجييب عثمان متين ..

السبكي - إزق عليه م الشباك ..

يذهب ناحية النافذة ثم يرتد مسرعاً ..

لاشين - يا ساتر .. الحرف قطع .. قطع .. الهوا كأنه نار ..

السبكي - إزق عليه من هنا .. إزق عليه قوى .. يمكن يسمع

لاشين -- (في سذاجة) .. يا عثمان (يرفع صوته أكثر) .. يا عثمان ..

(يرفع صوته أكثر) .. يا عثمان ..

(يتردد صدى الصوت عدة مرات بين الحوائط ثم يعود

الصمت)

أحمد - عثمان مين .. انت بتنادى على مين ..

لاشين - السواق بتاعى ..

أحمد - سواق إيه يا راجل يا مجنون ..

لاشين - سواق العربية ..

أحمد - هو فيه عربية عثمان بيتق فيه سواق .. ده مفيش حاجة

خالص .. مش حاششوف إيدك إذا كانت أبعد من نص

متر من عينك ..

السبكي - شئ قطع ..

أحمد - كل الدنيا ملفوفة في غيار أحمر مغطى على كل شئ ..

لاشين - ياساتر ..

السبكي - طيب والعمل إيه ..

شفيق - أنا رأيى إن احنا نصل كلنا وتبتسل لرينا إنه ينجيتنا من

البلوى دى ..

أحمد - وتفتكر إن رينا يلتفت لصلاتك المفرضة دى بدمتك

صليت كام ركعة في حياتك ..

شفيق - ولا ركعة ..

أحمد - يعنى حاتبقى دى أول ركعة تركعها ..

يبقى بيني وبينك حاتيقي مكشوفة أوى .. الوقت راح
يا شفيق يا خويا .. كان زمان ..

شفيق - ربنا غفور رحيم ..

السبكي - وشديد العقاب ..

نقيسة - (في مرارة) جه يومكم يا فجار .. يا فساق .. وربنا
يا حايوريني فيكم ..

لاشين - (هاسأ) الوليه دى مقيش حد حا مخلصنا من حقدھا ..
أحمد - اعتبرھا فيلم .. اعتبرھا رواية .. اعتبرھا لقطة ..
وبعدين كلاكيت (يصفق بيديه) غير المنظر ..

السبكي - (في غضب) إيه الكلام الفارغ ده .. ده وقت الضحك
والهزار .. إحنا في إيه والا في إيه .. إنتو قاعدين تنكتوا
والدنيا بتطريق ..

أحمد - حانعمل إيه يا سبكي بك .. يعنى لو عيطنا لاحا نأخر
ولا نقدم في قيامة القيامة ..

السبكي - بس الموقف اللى إحنا فيه يستلزم ..

أحمد - يستلزم إيه يا سبكي بك .. تعرف أختلترنا منحت نيشان
الشجاعة في الحرب اللى فاتت لمن .. لا أبداً .. مش
للمارشال مونجسومرى .. منحتة للكباريه الوحيد اللى
استمر فاتح يقول نكت ومنولوجات طوال شهور ضرب
لندن بالقنابل ..

السبكي - يعنى قصدك إيه ..

أحمد - يعنى الحل الوحيد اللى فاضل لنا إن إحنا نقعد نقول نكت
في الساعات اللى باقية على نهاية العالم .. ده الشرف
الوحيد اللى فاضل لنا .. إن إحنا نضحك بالرغم من كل شئ ..

السبكي - إنت بتهزر ..

أحمد - أبداً .. أنا بتكلم جد .. ومنتهى الجد .. وأنا شخصياً

حابدأ فاصل الضحك « يضحك .. تبدو ضحكته الهستيرية

جوفاء رهيبه .. ولكنكم ما يلبنون أن يضحكوا عليه ..

ويتنقل الضحك من وجه إلى وجه .. ثم يعود الصمت فجأة

نقياً مربعاً ..

السبكي - إنت لازم أنتجنت .. أخوك مراد له حق في كلامه .. إنت
بجنون فعلاً ..

مراد - طول عمري بقول إنه بجنون ..

السبكي - أنا عاوز أفهم انت بتضحك على إيه دلوقت ..

أحمد - بضحك على نفسي .. لأنى عشت طول عمري أفرح وأزعل

وأغضب وأتور وأجتحن والأخر يموت وأنا مش فاهم

حاجة .. مش فاهم ليه كنت باتشجن كده وعلى إيه .. كله

حايقي بسوا الأرض كمان يوم ولا اثنين .. كان إيه لازمه

الزعل ده كله .. أما أنا كنت مغفل .. (يضحك) ومش

عاوزيني أضحك كمان .. ده شئ مضحك .. ده شئ

يجين من الضحك (يضحك بشدة .. حتى تتحول ضحكته

إلى عويل ويتلفت في الوجوه حوله) حد منكم بقدر يفهمنى

إيه الحكاية ..

لاشين يغنى فجأة ويلوح بيديه في حركات مسرحية ..

الحكاية إن حيك يا حبيبي .. نار

لهيب من غير شرار ..

خلى بروج في عقل طار ..

يسكت فجأة ثم ينظر اى الوجوه المتطلعة ..

لاشين - دى حتة من أوبريت فى الرواية الجديدة اللي بخرجهما

وبتمثلها جيچى .. غنى معايا يا جيچى

(يعود إلى الغناء وقد اندمج تماماً فى دوره) ..

الحكاية إن حبك يا حبيبي .. نار

لهيب من غير شرار ..

خلى برج فى عقلى طار ..

جيچى - قلبك إيه ..

ده أوده مليانه كرار

فيه زبالة من حريم من كل دار ..

فيه عبيد وجوار ..

كبار وصغار ..

أنا فبن جوه قلبك ..

فين مكاني ..

(لاشين يركع على قدميه ويرفع يديه متوسلاً إليها .. من الواضح انه

اندمج فى دوره تماماً ونسى الناس حوله) ..

- إنتى فى كل مكان فى الهوا اللي بتتنفسه .. فى الميه اللي

بشربها .. فى قلبى .. حواليه .. فى منامى .. فى

أحلامى .. فى خيالى ..

جيچى - (مندمجة تماماً فى دورها ومنغلة بكل كلمة) اقتل كل الحريم

بتوع لو كنت بتحبينى .. واقتل نفسك كمان .. أنا غايه

من نفسك .. مش طايقه أتسوفك بتحب نفسك أكثر ما

بتحبينى ..

لاشين - أقتل نفسى ؟؟ أقتل نفسى ازاي .. طيب وأحبك بإيه ..

ده أنا بحبك بنفسى .. بروحى ..

جيچى - لازم تموت فى حى ..

لاشين - ولما أموت حا يفضل منى إيه ..

جيچى - حايفضل حبك ..

لاشين - حى حاوت معايا .. ارحمى خلىنى أعيش عشانك ..

جيچى - لأ .. مش عاوزه .. عاوزاك تموت عشانى .. تموت فى حى

وأعيش طول عمرى أبكى عليك وأدور عليك .. عاوزه

أعيش فى الحزن عليك .. مش باصدق حاجة فى الدنيا

إلا الدموع .. الدموع .. الدموع .. (تبكى بحسرة وقد

نسيت نفسها تماماً) ..

أحمد يصرخ فجأة - أنا اكتشفت الحل .. أنا لقيت الحل اللي فيه

مخرجنا جميعاً ..

مراد - إيه ده يا راجل يا مجنون ..

أحمد - (يروح ويحى بعرض المسرح وطوله فى انفعال) وجدتها ..

وجدتها .. أوريكا .. أوريكا كما قال أرشيدس .. خلاص

مش مهم تتطريق الدنيا .. تتطريق مش مهم .. خليبها

تتطريق .. أنا وجدت الحل .. وجدت الخلاص ..

لاشين - إيه .. تسافر للمريخ ؟؟

أحمد - صريخ إيه يا راجل يا عبيط ..

لاشين - آمال نروح فين .. قول لى ألققى

أحمد - (يشاور على قلبه) نروح هنا جوه .. نغطس جوه فى

نفوسنا .. فى قلوبنا .. كل واحد يفرق فى روايته الخاصة

زى ما أنت دخلت فى روايتك واندجمت فيها ونسيت كل

حاجة .. كل واحد يعيش فى وهمه .. كل واحد بيبنى له

دنيا .. رواية يعيش فيها .. ويقفل مسرحها عليه ..

والدخول بتذاكر.. يدخل اللى يحبهم بس.. والياق
بره ..

مراد - طيب وها تودى البراكين دى فين .. هاتودى الكوارث
دى فين (ينساور على السماء اللى تبدو حمراء متوهجة من
النافذة)

أحمد - بره .. كله بره .. حعايش طول عمرى موهوم ..
متيألى .. ما أشوفشى غير أوهاشى .
صوت رعد .. يعقبه زلزال شديد يهز ديكور المسرح .. يترنح أحمد
فى وقفته ..

مراد - وتودى الزلزال ده فىن ..

أحمد - بره .. كله بره ..

مراد - لكن انت مش قادر أهوه .. إنت عمال بتتهز .. حاتقع ..
(أحمد يترنح) ..

السيكى- هوه ده الحل يا أحمد ..

أحمد - ده حل اللى ما عندوش حل يغطى وجهه بيديه ويبكى
بشدة (ده حل اللى ما عندوش حل .. أنا تعبت .. أنا مش
عارف ايه أخسرة ده كله أنا مش عارف أروح فىن . حد
منكم يقدر ياخذ بيدي .. حد منكم يقدر يورينى السكة
(بمد يده .. تظل يده معلقة فى الهواء .. ولا يتقدم أحد)
مفيش حد عارف السكة ..

الزلزال ما زال يهز ديكور المسرح ..

أحمد - مفيش حد عارف الحقيقة .. بيتق أعيش فى الوهم
أحسن .. حتى الوهم مش لاقيه .. مفيش حد بيبنى
عليه .. كل ما أخلق لنفسى وهم ألاقى اللى يصحبنى منه

ويقول لى أصحى .. أصحى .. أنت موهوم .. وانت
مالك يا أخى .. ما تسيبنى فى حالى .. لأ أزاى ..
إصحى .. إصحى .. إنت موهوم .. طيب فىن الحقيقة
هى فىن الحقيقة .. مفيش حقيقة .. أنا تعبت .. عاوز
أنام .. عاوز أحلم .. أحلم حلم طويل ما أصعاش منه .
ينهار ويضطجع على حائط مائل فى ركن ويفلق عينيه ..

- غنى لى ياجيجى .. غنى غنوة تخلىنى أنسى كل حاجة ..
وأنساكى كمان .. وأنسى نفسى .. وأنسى إنك بتغنى ..

چيجى - (فى رقة) يا حبيبي ياعمى (تأخذ رأسه بين راحتها وتمسح
على شعره وجبينه) ..

أحمد - (يفرك عينيه ويفتحها متعبا) أنا باكذب على نفسى .. أنا
عمرى ما قدرت أنسى حاجة أبداً . عمرى ما قدرت أخخذ
أجازة من عقل أبداً . عمرى ما قدرت أغمض عيني ..
عمرى ما قدرت أنام ..

الهام - أنا خايقة ..

أحمد - (يفتح ذراعيه) تعالوا يا ولاد فى حضنى ..

يرجع الأولاد إليه ..

أحمد - امسكوا فى .. كل واحد يمك فى الثانى .

« ستار »

الفصل الثالث

نفس منظر الفصل السابق بالإضافة إلى انهيار الحائط الأيمن
ليكتشف قطاع غرفة مجاورة .. طوب واخشاب وقطع من جبس السقف
في أماكن مختلفة من المسرح ..
نفس أشخاص الفصل السابق ولكن ثيابهم أصبحت الآن أكثر
رثانة .. ووجوههم أكثر صفرة . وكل منهم قد استلقى متعباً في مكان ..
بعضهم ارتمى على ظهره ومضى يحملق في السقف في بلاهة .. والآخرين
لاذوا بالأركان .. وأسندوا ظهورهم إلى الحائط ..
الحاجة زنوبة تتحرك ببطء وتفتح عينيها وتتكلم بصوت
متحرج ..
- ربيق ناشف .. عاوزه اشرب ..

أحمد - (هز زجاجة في يده وقلبها ليؤكد للجميع أنها فارغة)
 الفزاعة خلصت يا حاجة. اصبرى اصبرى وأمرك لله ..
 - انا جعانة ..
 شفيق - حاتاكل ازاى وانتي عطشانة .. تعطشى أكثر بعدين ..
 ومغيش عندنا غير رغيف ناشف ..
 أحمد - (يلوح برغيف في يده) الرغيف الأخير ..
 الحاجة زنوبة - ادبى لقمة ..
 احمد - (يقطع لها لقمة ناشفة ويناولها) خدى .. ذنك على
 جنبك ..
 تضع اللقمة في فمها وما تلبث أن تكتشف أن طقم أسنانها ضائع
 فتبدأ لطم خديها في عصبية ..
 الحاجة زنوبة - طقم اسنانى .. طقم اسنانى فين ..
 أحمد - اهو ده بيق اللى ماتقدرش عليه ..
 الحاجة زنوبة - طقم اسنانى (نلطم) طقم اسنانى .. هاكل بيايه من
 غير طقم اسنانى .. (تبحث حولها) طقم اسنانى ..
 احمد - حطى اللقمة في بقلك كده شوية وهى تبوش ..
 زنوبة - ريق ناشف ..
 - واحنا حاتعمل إيه يا حاجة .. إحنا ذنبا إيه .. إحنا اللى
 قومنا القيامة ؟؟
 - نفسى فى شربة ميه تبل ريق .. ياسكينة .. ياهنومة ..
 ياسكينة (تتلقت حولها) .. ياهنومة ..
 - مش حايسمعوكى .. أصلهم بعيد أوى ..
 - بعيد فين ..
 - فى آخر الدنيا ..

- وإيه اللى وداهم آخر الدنيا ..
 - (يلوح بيده) راحوا يتمشوا فى الطراوة ..
 - طيب حد فيكم يعمل فى معروف ويروح يشتري لى كياية
 عرقسوس من عند الشريتلى اللى جنبنا (تضع يدها في عبها
 وتخرج قرناً تناوله لاحد) خسد يا أحمد هات لى كياية
 عرقسوس بقرش ينوبك ثواب ..
 - بتاع العرقسوس قفل يا حاجة .. النهاردة الجمعة ..
 - يابى ما يقفلش لاجعه ولا حد .. ده فاتح على طول انزل
 يابى ربنا يهديك .. خد خمسة صاغ (تضع يدها في عبها)
 عشان تشرب سوا ..
 - ياه خمسة صاغ حته واحدة .. إيه يا حاجة الكرم ده ..
 - عطشانه .. ريق ناشف .. حاموت ..
 - سلامتكم من الموت .. ده احنا فداكى كلنا ..
 - ياخويا شبعت كلام ..
 - (ضاحكاً على حاله) واحنا حيلتنا إلا كلام دلوقت ..
 مراد - انا رأيى واحد مننا ينزل عند البقال اللى تحت البيت ..
 جيجى - (مهلهل) بقالة محالى .. دى مليانة بيده .. فكره هابله ..
 شفيق - وفيها سحج ويسطره وتونه وعيش قينو ولحمه بارده
 وتومين يكفى سنه ..
 أحمد - ومعقول حايبق لها وجود دلوقت .. دى زمانها هى واللى
 فيها بقت كوم تراب ..
 مراد - ليه يا أخسى .. ما احنا عايشين اهو .. واحنا فى دور
 أول .. مابالك بالدور الأرضى .. ده يبقى محياً ممتاز فى
 وقت زى ده .. أنا أراهنك إن بقالة محالى مازالت قائمة

على جدرانها الأربعة سليمة زى ماها ..

شفيق - معقول والله ..

مراد - (يشاور على دعائم الأعمت المسلح في الأركان) شايف

أركان المسلح كلها سليمة إزاي .. بيق معنى كده إن

الدور اللي تحتها سليم .. والبقالة تبقى تحتها بالضبط

(يشاور على أرضية الغرفة) تبقى إزاي حاتكون مهدودة

وأنا صالين حيلنا كده ..

شفيق - تمام ..

أحمد - بس إزاي توصل لها .. والسلام مطريقة ..

مراد - نزل من أى حفرة في الأرض .. زى عساكر المطافى ..

نزل على عرق خُشب ..

أحمد - فكرة والله .. أما أروح أدور لكم على طريقة (ياخذ

النسمدان ويذهب من الباب الموصل إلى الغرفة التي أنهار

جدارها .. يبدو وهو يتجول .. ثم وهو يخترق باباً آخر ..

ويخفق) ..

الحاجة زنوية .. صوتها يتحسرج ..

- شربة ميه (تتلقت حولها وقد يدها مستجدية) خدو اللي

حيلتي وادوني شربة ميه ..

مراد - ياريت يا حاجة .. ما عاdash مجيب حاجة ..

الحاجة - (مازالت تستجدي وكأنها لم تسمع الكلام) خدو اللي حيلتي

وادوني شربة ميه ..

يظهر أحمد وهو يتجول في الغرفة الثانية .. ثم يدخل وهو يخفى شيئاً

وراء ظهره ..

أحمد - (مبتهجاً) أما أنا اكتشفت اكتشاف ..

الجميع - إيه .. إيه قول لنا .. الحقنا .. في عرضك ..

أحمد - كاذب ..

الجميع - كاذب إيه .. فين .. وريتنا ..

أحمد - (يخرج التوء الذي يخفيه .. ويلوح به في يده) أبريق

ميه ..

الجميع - براهو .. انت بطل .. مفيش منك ..

مراد - لقيته فين الأبريق ده ..

أحمد - (مخرجاً) مش مهم بق لقيته فين (يتاول الأبريق للحاجة

لنشرّب فتنلقطه في هفة) ..

جييجي - (هامسة) ده أبريق دورة الميه .. اخص ..

مراد - ولو .. حد لاقى ..

الحاجة ترفع الأبريق على فها .. وما تلبث بعد جرعتين أن تهزه

- ده ما فيهوش إلا نقطة واحدة .. نقطة واحدة ..

يسقط في يد الجميع من جديد ويتبادلون نظرات الحنينة ..

مراد - مفيش حل إلا بقالة مخالي يا أحمد ..

أحمد - إيوه بس توصل لها إزاي ..

مراد - لازم كلنا ندور ..

أحمد - مفيش غير شعدائين اتنين ..

مراد - مش مهم كل واحد ياخذ شعبة في إيده أو يولع عود

كبريت ..

شفيق - أنا معايا علبة كبريت ..

لائين - وأنا كيان معايا عليه (يتأكد من وجود علبته) .. يتفرق

الرجال الخمسة كل منهم في اتجاه .. يبحثون عن مخرج .. كل واحد في

يده شبعه .. أو عود نقاب مشتعل ..

يبقى النساء والأطفال في الغرفة ..

جيحى - واحنا حانقعد كده مستنتين الموت (تزرع شمعة من

الشمعدان وحمقك في الظلام ثم تتردد وما تلبث أن تعيد

الشمعة الى مكانها .. وتظل قابضة حيث هى .. الاطفال

يتكلمون إلى جوارها) ..

لحظة صمت لا يسمع فيها إلا حشرجة العجوز وعواء الرياح في

الخارج .. ثم يدخل أحمد .. يبدو على وجهه اليأس ..

- مفيش فايده .. احنا مقفول علينا من كل حته .. مفيش

حل غير إننا ننط م الشباك ..

ينظر إلى النافذة .. حيث تتوهج السماء بجمره مخيفة ..

أحمد - (محدثاً نفسه) خراب .. خراب .. في كل حته .. نفسى

اشسوف حياه .. نفسى أشسوف حيوان .. نفسى أشسوف

حشرة .. ولو حشرة سامة .. ولو حيوان مفترس .. نفسى

أسمع صوت إنسان في الوجود غيرنا .. (بنهار جالساً على

الدولاب المقلوب) نفسى واحد عسكري يقبض عليه ..

نفسى في حرامى يسرقنى .. نفسى في قاطع طريق يقطع

سكتى .. موت .. موت .. موت .. في كل مكان (يتذكر

فجأة) .. كان فيه هنا جرامفون .. نفسى أسمع صوت

غير صوتى .. أى صوت .. (يتجول في الغرفة وفي يده

الشمعدان .. يهتف في فرح) أهوه .. (يفتح الجرامفون) ..

وفيه اسطوانة كان .. (يدير اليد ثم يضع الإبرة) .

يدوى صوت صباح

أكلك منين يا بطه

أكلك منين

دى فراولتين في شفايفك

حلوين حلوين

هاق واحدة لماما عشان ماما

عينوها الاتنين

عايزين ياكلوك ومش عارقه ياكلوك منين

صوتها وسط الخراب يبدو غريباً مفزعاً لشدة تناقضه

يعود الرجال الأربعة على صوت الجرامفون .. ويتقاطرون من

المحجرات المهذبة وهم يهتفون .. في وقت واحد ..

- إيه ده .

- مين بيخنى ..

- مين هنا ..

- فيه ايه ..

- صوت إيه ده ..

أحمد - (في هدوء) : أكلك منين يا بطه

مراد - (في خيبة إمل) ياأخى .. احنا قلنا الإذاعة جت .

بتهاك كل واحد في مكانه بينا تمضى صباح في الغناء ..

أكلك منين يا بطه

أكلك منين

دى فراولتين في شفايفك

حلوين حلوين

هاق واحدة لماما عشان ماما

عينها الاتنين

أحمد - شوفوا احنا كنا زمان بنفسي نقول إيه .. الظاهر إن احنا
كنا قاضيين خالص مش لاقين حاجة نعملها ..
صباح مستمرة في الفناء .. صوتها يبدو غربياً في الظروف
الموجودة .. ومعاني الاغنية تبدو مضحكة .. غير ذات موضوع ..
تنتهي الأسطوانة .. لحظة صمت .. كل واحد من الموجودين ينظر
في عين الآخر ..
مراد - وبعدين ..
شفيق - ندور الأسطوانة تاني ..
مراد - لا .. أسطوانة إيه .. لازم نشوف طريقة نحل فيها مشكلة
الأكل والشرب .. لازم نوصل لمخالي ..
لائين - تاني ..
مراد - أنا عندي طريقة ..
لائين - هيه ..
مراد - نحفر الأرض هنا .. ونزل على مخالي ..
لائين - لو كنت فكرت في حاجة زى دى زمان كنت خدت فيها
عشر سنين سجن ..
أحمد - ياريت حد طابيل السجن دلوقت .. على الأقل حايلاتي في
السجن ناس .. مأمور وسجبان ومعاون وكاتب
وباشكاتب .. حايلاتي أمل .. يامين يلايى على عشر
سنين سجن ..
مراد - أعوذ بالله .. قال الله ولا فالك يا شيخ ..
أحمد - والى احنا فيه دلوقت حلو قوى عاجبك ..
مراد - على الأقل أحرار ..
أحمد - أحرار في إيه .. أحرار في إننا نتجول بين أربع حيطان ..

أحرار في إننا ماناكلش .. أحرار في إننا مانشرش ..
أحرار في إننا نختار الموتة اللي نموتها بالسكنة أو الجوع أو
بالعطش ..
مراد - أحرار في إننا نتجول في العالم كله .
أحمد - وقين هو العالم (يشاور الى السماء المتوهجة) العالم بقى
جهنم .. بقى أرض حرام ممنوع فيها المرور لأى آدمى على
قيد الحياة .. إحنا دلوقت زى اللي بيرقص على قعر
كبابه .. زى اللي واقف على شعرة بين نار قدامه ونار
وراء .. كل حريته أنه يتمشى رايح جاي على الشعرة دى
لغاية ما تقع بيه وتنتهى الحكاية ..
شفيق - ياشيخ ياريتها تقع بقى وتخلصنا .. أنا تعبت ..
مراد .. أنبت .. لا بأس مع الحياة ولا حياة مع اليأس ..
شفيق - الكلام ده كان زمان زى اسطوانات صباح ..
أحمد - الكلام ده زمان ودلوقت وفي كل وقت .. الكلام ده هو
اللى مش ممكن تقوم عليه القيامه أبداً .. الأمل .. الأمل
هو الحياة ..
شفيق - طيب بس الحياة دى يلزمها تاكل وتشرب ..
أحمد - حاتااكل وحاتشرب ..
شفيق - منين ..
مراد - من عند مخالي ..
شفيق - (ضاحكاً) مخالي دلوقت بقى حاجة زى أبواب السما (يد
يديه إلى أرض الغرفة في ضراعة وتوسل) نظرة يا مخالي ..
مراد - (ينظر الى الحاجة زنوبة في ابتهاج) إدعى لنا يا حاجة

يا بركة دعاء الوالدين ..

الحاجة في حالة إعياء يرق لها .

مراد - إدعى إن أبواب السماء تفتتح لنا ..

لاشين - أبواب محالي

مراد - أنا مش قادر أصدق إن احنا مقفول علينا .. لازم فيه

مكان (يقوم ويتلفت حوله في الجدران في يأس) لازم فيه

مخرج ..

الحاجة زتوبة - (صوت متحرج) يارب إيه أخسرة ده

كله .. إيه أخرة الليل الطويل ده

نفيسة - (في شاته) أخسرتة المجهيم (في شانة هستيرية) المجهيم

للفجار ..

جيجي - (تصرخ فيها) أنا مش فاهمة ليه الشاهة دي كلها ..

مانتي معانا في المجهيم اللي احنا فيه ..

نفيسة - (في جنون) أنا مش معاكم وعمري ماحكون معاكم .. انا

باتفرج عليكم .. الدنيا بتوريني فيكم ..

جيجي - يعنى قاعدة في لوج .. ف بتوار .. حاتقوني ف تخفروان ؟

ما أنتي حاتقوني في المخروبة دي معانا

نفيسة - ياكفار يا فجار حاشوف عذابكم بعينيه

أحمد - (في ذهول) نفيسة (يقترب منها)

نفيسة - ابعدوا عني .. مش عاوزه حد يقرب مني .. انتم بتعذبوني

(تبكي بحرارة) بتعذبوني ..

أحمد - (في عطف) نفيسة مالك يا نفيسة ..

نفيسة تبكي بحرارة ثم تمسك نفسها .. وتوسع ذراعها ..

وتنظر في وجوه الموجودين وتغمغم ..

نفيسة - مش عايزه أعيش .. ومش عاوزه حد يعيش .. عاوزه

أموت .. وعاوزه كل الناس اللي في الدنيا تموت .. أنا

مش بحب حد .. ومفيش حد بيحبنى

أحمد - (في صوت رقيق) إنت غلطانة يا نفيسة .. أنا بحبك

نفيسة - إنت كذاب .. إنت بتكذب على .. كلكم بتكذبوا على ..

كلكم بتعذبوني .. أنا وحيدة .. كنت دايماً عايشة

وحيدة .. عايشة في غابة (تبكي بشدة ومرارة) الدنيا

بتاعني كانت زى الحراية المهدودة .. مفيش فيها طوية

على طوية .. أنا باكرهكم كلكم

أحمد - يرت على كنفها بلطف (نفيسة

نفيسة تضحى وجهها في كنفها ولا تحب

أحمد - كلميني ..

نفيسة - مش عاوزة أكلم حد (تصرخ) سيبوني لوحدي (أحمد ينظر

إليها كأنه ينظر إلى وحش جريح ولا يتكلم)

الرياح تعوي بشدة في الخارج .. صوت رعد .. صرخات

خافتة .. جيجي تغطي عينيها ..

(اصوات) ياساتر ..

أحمد - (في حيرة) مش قادر أصدق إن احنا حانوت .. كلنا

حانوت .. الدنيا الجميلة دي حاتيق عدم .. !! ؟

أحمد يدور حول نفسه ويخطو في حركات آلية سريعة كحيوان

سجين وهو يقدم زناد فكره ..

أحمد - مش معقول .. لازم فيه حل .. لازم فيه مخرج .. مش

ممكن نستسلم للموت .. مش ممكن نموت زى فيران في

مصيدة ..

مراد الذى يدور هو الآخر ويلوح بيديه فى بأس .. يقف فجأة
ويضئ وجهه كمن تذكر شيئاً .. ويخط على جبهته .

مراد - افكرت

أحمد - إيه .. افكرت إيه ..

مراد - (فى إنتصار) المنور

لا يبدو على أحمد إنه يفهم شيئاً ..

مراد - (موضحاً) المنور حايروصلنا للبقالة

أحمد - المنور ما يفتحش على البقالة ..

مراد - (صوت غامض ونبرة ذات معنى) كان زمان ما بيفتحش ..

لكن دلوقت الدنيا اتغيرت .. اللي بيفتح بقى

ما بيفتحش .. واللى ما بيفتحش بقى بيفتح .. إنت نسيت

إن البيت اتهد ..

أحمد - أيوه صحيح ..

مراد - (يدور فى المكان باحثاً) فىن شباك المنور ..

أحمد - على مينك خد السمعة دى معاك (يعطيه شمعة من

السمعدان) .. وحانزل المنور على إيه

مراد يأخذ السمعة ويخرج وبأنى صوته من الظلام ..

حاشوف ..

برق .. رعد .. صوت أمطار هادرة

صرخات خافتة .. جيغى وأطفالها يتحاضنون من الخوف

(السبكي - وقد نفذ صبره) وبعدين احنا حانقعد نستنى إيه .. أما

يتطريق علينا البيت

لاشين - حانروح فىن

السبكي - نزل من المنور مدام فيه سكة توصل ..

لاشين - مش أما يرجع مراد يقول لنا لى سكة والا مالقاش ..

شفيق - هو لو وصل لمخالى حايرجع لنا تانى .. ده حايرفش هناك

وبيات .. ومنه مطعم .. ومنه نجياً .. وانت عارفه لما

يلاقى منفعته ينسى اللي قدامه واللى وراءه ..

السبكي - أى والله صحيح .. دهدى طيب واحنا مستنين إيه ..

يتجه إلى إحدى السموع ويطلعها من مكانها فى السمعدان

السبكي - هو شباك المنور فىن

أحمد - استنى ماتستعجلش أما نشوف مراد عمل إيه

السبكي - (وقد نفذ صبره) قوللى بس شباك المنور فىن

أحمد - خس من الباب اللي عندك ده وبعدين حودع التين

يخرج وبأنى صوته من الظلام

- أيوه الشباك مفتوح أهوه مطرح منازل مراد

حركة أمل وانتعاش بين الموجودين

لاشين - صحيح .. ماتيجوا نجرب حظنا .. تعالى يا جيغى

جيغى - أنا خايقة يا شفيق

شفيق - ماهى كلها موتة .. لو قعدنا حانقوت م المجموع .. ولو

طلعنا حانقوت برده .. بس حاتبقى عندنا فرصة

جيغى - لا .. خلينى أنا مع الولاد .. ولو لقيتو الجسو أمان ..

ابعتوا لنا

السبكي - رجلى على رجلك يا شفيق يا خويا

يخرجان

صوت الريح تعوى بشدة فى الخسارج .. رعد .. وبرق .. يعقبه

صوت أمطار .. سيول كأفواه القرب

مدوح - الدنيا بتشقى

الهام - صوت مطر

عادل - انا خايف

أحمد - تعالوا جنبي ..

جيجى - تفتكر إنهم حايعرفوا يوصلوا لبقالة نحالي ..

أحمد ينظر إليها فى شرود ولا يجيب ..

جيجى - كان حقنا اتشجعنا ورحنا معاهم ..

أحمد - دى مش الشجاعة .. ده الطمع اللي حركهم .

جيجى - (فى بلاهة) يعنى مش حايعرفوا يوصلوا للبقالة ..

أحمد - (مازال شاردأ) الطمع عمره ما يوصل حاجة (يتسمع

صوت الأمطار الهادئة) سامعة صوت الأمطار ..

سيول .. (ينظر إليها فى حزن) الميه حاتقلأ المنور وتغرق

البقالة ومش حايعرفوا يطلعوا تانى ..

جيجى - (تصرخ) شفيق .. شفيق .. تجرى ناحية المنور .. وتحنق

فى الظلام .. مازالت تنادى (شفيق ..

جيجى - (صوتها أت من الظلام) الميه نازله سيول .. سيول ..

المنور غرقان لنصه .. الميه بترتفع .. حاتحصلنا حاتموت ..

حاتموت ..

نقيسة - (فى فرح) نفسى أموت ..

جيجى - (عائدة من الظلام) مش عاوزه أموت .. أحمد شوف لنا

طريقة .. شوف لنا حل .. (تنسبت بأولادها) بعد ربيع

ساعة الميه حاتغمرنا .. السبا مفتوحة علينا زى القرب .

(رعد وبرىق وصوت أمطار هادئة) ..

جيجى - أحمد .. نعمل إيه

.. شوف لنا حل ..

أحمد - نطلع الدور التانى ..

جيجى - نطلع ازاي .. ومنين .. ومفيش سلم .. والحاجه نعمل

فيها إيه ..

أحمد يبيل على الحاجه يتسمع أنفاسها وقلبها .. ينظر فى وجهها ملياً

وعمسك نبضها ثم يقول فى هدوء ..

- الحاجه سبقتنا .. الحاجه طلعت فوق .. فوق خالص .. فى

آخر دور .. فى السما السابعة .. ما تخافيش عليها ..

مفيش حاجه تقدر تحصلها دلوقت .. الله يرحمها (ينظر إلى

أمه فى احترام) متأسفين يا حاجه مش حاتقدر نقوم

بالواجب وتعمل الشادر والصوان .. ساعيتنا يا حاجة

جيجى - (تبكى) أحمد ..

نقيسة - (ترمى على أمها) أمى .. حبيبى .. خدينى معاكى

يا أمى ..

جيجى - أحمد .. إحنا حاتموت يا أحمد ؟ .. هى الدنيا انتهت ؟ ؟ ..

أحمد - لا مش حاتموت .. الدنيا لسه ما انتهتتش .

الرياح تعوى فى الخارج .. الرعد .. البرق .. صوت الأمطار

الهادئة ..

جيجى - وحانعمل ايه دلوقت .. (أطفالها يبكون ويتشبثون بها)

أحمد - حا نطلع الدور اللى فوق ..

جيجى - ازاي ..

أحمد - حاندور على طريقة ..

ياخذ السمعدان فى يده ويتجول فى الغرفات المهدمة يتفحص كل

مكان وجيجى ممسكة بكتفه والأولاد متعلقون بنياها بينا نفيسة قابعة في مكانها إلى جوار الحاجة زنوبة لانتحرك. رعد .. برق .. صوت أقطار ..

أحمد - (بتلفت حوله) نفيسة فين .. (تنادى) نفيسة .. نفيسة .. نفيسة .. نفيسة مازالت مرتقيه على أمها .. وهي لا ترفع وجهها .. ولا تجاوب على النداء ..

أحمد - (صوته مبتعداً في الظلام) نفيسة .. نفيسة .. المسرح الآن لا يظهر فيه سوى الحاجة الميتة وبتنها .. نفيسة ترفع رأسها وتخطب الميتة في كلام كأنه صراخ ..

- أمى .. انتي فين يا أمى .. (تهز جسد أمها) أمى .. العالم اللي انتي فيه شكله إيه يا أمى ..

(تهزها) الناس اللي معاكى جنسهم إيه .. حد منهم بيحبى .. حد منهم بيحب نفيسة بتلك .. ردى عليه .. جوايبى .. أنا عمري ما سألتك في حاجة .. (تنسم نفيسة فجأة وكأنها سمعت شيئاً) صحيح .. كل الناس اللي معاكى بيحبونى .. بيحبوا نفيسة .. صحيح يا أمى .. طيب .. خدينى معاكى .. استنتينى .. أنا جايه لك .. أنا جايه لك ..

صوت أحمد مازال يتردد في الظلام .. نفيسة .. نفيسة .. ولكنها لا تسمعه ..

صوت مراد يسمع من اعماق المنور رفوف

رفوف محملة من كل صنف الأكل حوالينا من كل لون

لكن مش قادرين نظوله

أحنا بنغرق .. بنغرق

كل شيء بيغرق

الأكل قدامنا .. ومش حانظوله

الحقونا .. الميه نازله علينا من كل جانب

أحمد

أخويا أحمد

أخويا

أحمد يطلق كالمجنون يدور حول كل المسالك الممكنة ثم يرتد في بأس وهو بزأر

مش قادر أنزل

مفيش طريق

الميه سدت كل المسالك

صوت مياه وصوت ايد تطيش في المياه

صوت مراد في صبيحة أخيرة أتية من المنور تحتق نسيئاً فنيئاً

أخويا .. أخويا .. أخويا

أحمد - (بنهار في مكانه وهو يغطى عينيه) يقول أخويا؟؟؟؟

قلتها قلتها متأخر .. قلتها بعد فوات الأوان

رعد وبرق .. ورياح هادرة ..

ريح عنيفة تهب فجأة فتطوق السموع .. المسرح مظلم .. صرخة

رعب .. ثم لحظة .. ثم يبدو أحمد وهو يتجول في غرفة مجاورة حاملاً

السمعذان الوحيد الباقي .. الأولاد مسكون به وأهمهم مرتاعة متنسبة

بكتفيه .. ويبدو أنه قد وجد سلماً وأنه يصعد .

الديكور يبدأ في الاهتزاز .. زلزال خفيف يشتد شيئاً فنيئاً ..

ريح شديدة تطفئ التسمعدان ويفرق المسرح في الظلام الدامس .
جيجي - (تصرخ) الأرض ينتهز .. السلم بيقع ..

أحمد .. إنت فين؟ .. ياربي (صوت ارتطام اشيء يعنف)
أحمد - اسكوا في ياولاد .. تعالوا هنا .. هنا أمان .. أوعدوا
تنحركوا .. (يسكت صوته فجأة) ..

الأولاد يكون ويصرخون ..

مدوح - أبيه أحمد إنت فين ..

إلهام - أبيه أحمد ..

عادل - ماما .. أبيه أحمد ..

لحظة صمت .. ظلام تام على المسرح

أصوات ارتطام حادة تختلط بها أصوات أخرى أدمية من نوع
آخر .. تضاء بطاريات كهربائية شديدة في الغرفات المهذمة .. وتدخل
فرقة انقاذ .. أربعة أفراد ومعهم رئيسهم بلبسون بدل سموكن وفراك
غاية في النظافة

في المسرح الذي تضيئه البطاريات الشديدة في كل مكان لا يظهر
إلا الأولاد الثلاثة على رف من الأرض غير منهار ..

لا أحد من الوجوه القديمة ..

كل الموجودين هم أنسخاص بلا إسم فرقة الإنقاذ .. وهم يعيدون
تركيب الديكور في خفة وسرعة .. بعضهم يحمل معاول وبعضهم يحمل
فرش طلاء .. وبعضهم يحمل أدوات كهربائية وكابلات وبعضهم يحمل
سلام .. وهم يعيدون بناء المسرح المتهدم بسرعة وحقق ..

صوت الريح في الخارج يبدأ .. والأمطار تنقطع .. ولون السماء يتغير
من الحمرة المتوهجة تدريجياً إلى الزرقة الصافية التي يتدفق منها نور
الفجر ..

واحد من فرقة الإنقاذ يحمل النجفة المصطمة ويعيدها إلى مكانها
بالسقف .. ويوصل لها الأسلاك .. ويصلح العطب في التيار فيعود
النور الكهربائي ليغمر المكان .. والآخر بعيد الصور إلى مكانها ..
ويركب الستار .. والثالث يرفع الدولاب .. كلهم بلبسون سموكن
وسترات رسمية .. كأنهم سلك دبلوماسي .. حركاتهم وقورة .. وجوههم
صارمة جادة كل شيء يجري إصلاحه بسرعة ودقة حتى الكراسي
المصطمة يعاد ترميمها ..

ملابس الفرقة في غاية النظافة بالنسبة لأعمال الإصلاح التي يقومون
بها .. وهم يقومون بأعمالهم في هدوء مريب بدون كلمة وبدون ابتسامة
نراهم يتحجبون إلى الأطفال ويقدمون لهم قطع الحلوى .. لا يظهر أثر
لأذى واحد من أبطال المسرحية .. كلهم اخفوا .. لا أثر لأحد ..

الأطفال الثلاثة هم الوحيدون الذين بقوا على قيد الحياة ... نرى
رئيس فرقة الإنقاذ يأخذهم بين ذراعيه .. يخرج بهم من المسرح وقد
أعطانا ظهره .. ومن خلفه تتحرك بقية الفرقة بعد أن أعادوا المسرح
إلى حاله .. نرى المسرح خالياً لمدة لحظة زمان .. ثم تنزل سستار
الختام ..

هذه النسخة حصرياً

لمنتديات المكتبة العربية

[Http://www.TipsClub.net](http://www.TipsClub.net)